

緣督廬日記抄

緣督廬日記抄卷十五

癸丑至乙卯凡三年

長洲葉昌熾著

邑後學王季烈輯

癸丑正月

元日僑寄海濱待清無日在國為適臣在家為饒鬼獲罪天地
神祇祖考忝顧視息何以自存晨起拈香籲天躬禱無俟祝
宗之祈也

初三日午後振聲由蘇至滬與仲侯偕來呈莊帳此局股本六
千元經國變耗過半侵尋至去年夏五掃地無遺過中秋後
始漸有轉機三冬利市統兩年而復之以贏抵虧股本尚保
存十之四則客冬三月之力也

初八日王雪濂廉訪來言在嶺南得劉猛健碑巍然巨石在陳
隋之間兩面刻書體文法皆與甯長真碑相似已輦而致之

港即從索拓本又言見遵義莫氏藏濟火碑搨本即鄭子尹所見者字青石赤形模奇惟日月二字可釋又言在黔見洪厓古刻高廣如數間巨屋道咸間呂克仙刺史遣碑工架梯桶之地墨書於巖壁非刻文不可施乾蠟以鵝蛋白和麪為屑範為碑陽文又編刻於石今傳於世者是也長談而去得積餘函寄貽家刻皖詞紀勝即其所輯有藝風序又以琅山訪碑圖屬題

十四日作古詩一首

十六日臨孟法師碑其文可與隋舍利塔銘參証又作一跋書於鄂州本後

十九日閱報驚聞 隆裕皇太后上賓都下訛言繁興據醫云去冬病浮腫漸成脹張致不治然何以。聖躬先未聞不豫

國破家亡憂深社稷踰年之久仍以身殉此則事理之可信者也

廿一日昨宵為劉聚卿奉議作嘉祐二體石經跋共四百餘字
午後辦卿自蘇來言鶴琴前輩與宗人紫繁孝廉先後作古
廿二日為慈石錄天發神讖碑跋後繫一跋一詩亦寫訖

廿六日至郵脫路訪花風前輩先有一客在坐兩客後至各携
舊本書論價又不似書估其所携為方輿勝覽大觀證類
本草皆狹行本草黑口有墨蓋子云是宋刻其實皆元末明
初本也任淵注黃陳詩集但有山谷一家東洋翻宋本旁有
和文點竄疏行大字海舶本之最精者呂東萊重堂訓後有
鈔定木印紙色薰黃叢所見明槧大學衍義正如此虞伯生
詩三卷鈔本藝風云此本雖別行通圖學古錄續錄皆有之

但溢出詩二首耳一客携集部四五種杜本清江碧峰集舊
抄本一冊索廿四元稽瑞樓藏秘本一冊皆明末嘉海間人
遺著記有燼宮紀聞此外忘其名矣稍談至北堂路答王安
臣原訪正在拓劉猛健碑諦審之是一墓誌銘而面刻兩家
腐廬皆高大軒敞其書滿家雪翁數十篋自大門以內列度
若甬道自外覘之木箱充棟不啻商家之貨棧海市所僅有
也菰風樓下五楹几榻外無隙地携歸昭陵碑錄三卷兩冊
上虞羅振玉著菰風所贈也

廿八日作七律二首

廿九日自國變後盡臣之殉國者惟句齊制帥升甫中丞平生
雅故屢欲作一詩誄之惜但不能下筆踟躕已兩易歲展志
之義懷舊之思不可以詩之不二而遂廢也昨律為申甫同

年作今日成句公二首燈下又為徐積餘觀察作七絕四首
卅日為積餘寫訪碑圖卷作者如林開卷范甯堂昆季各有二
律其餘非江以北人士即林下官師也樊山菴風雨
樓卿王夢相夫乙氏
引首四字又題一律筆墨雖不惡亦為寒具油

二月

初二日得積餘函以小檀栾室勸詞圖手卷屬題贈拓本吳中
顧二娘造硯款識通州狼山題名十通姚存即最先一刻視
馮雲鵬著錄溢出元豐二種內有紹熙趙師魯題名呂吉甫
賈秋壑之流亞也通州新城記元至正十九年歲次己亥同
知州事周衡文儒學教授季世衡書燕山張元禮篆額

初七日作五律十章百感環生一揮即就誦聲琅琅淚與筆俱
即劉姬亦以為狂也

初八日得佩鶴函以 大行皇太后輓辭二章寄示並錄示
孝欽顯皇后 德宗景皇帝各四章

初十日菰風晨以一刺來約午後過訪候至三點鍾寂然而積
餘不期轉至携朱印熏習錄兩冊見贈即吳印臣所刊者西
泠印社主人吳石潛同來結興人名隱舊為嚴茂衡食客今
以藥書為業各以巢隱詩一冊贈之談未久聞有客款扉廬
江別健之觀察名體乾前川習劉文莊之公子長於碑板之
學亦富藏弄有蜀石經殘刻兩本皆在黃松石所收一本之
外在蘇曾介叔彥求題並約相見以國變未果今在港寓跑
馬廳五十二號積餘與同鄉至好即為賓主周旋聯袂而去
菰風抵暮始來携至式之洋門函文來斐然把玩不能釋手
但推挹過甚非謗陋所敢當耳

十二日至東歸仁里訪吳石潛並觀其插架稍有舊本無奇秘
可喜者選常山貞石志一部寒山堂金石林鈔本四冊未知
即顧南伍氏所刊時地攷否屬其送閱得佩鶴一紙附至還
翰函言與芸棠唱和得坡公生日詩四律 隆裕大行哀詞
八律

十四日西冷印社一柯姓友送書來常山貞石志腦有蟲蛀痕
尚未齧及全帙寒山金石林趙靈均撰南海伍氏有叢書本
此本舊鈔四冊不分卷原本出自石鐵華印識葉景曰鐵華
曰鐵華氏曰石氏鐵華曰石鐵華歲曰石鐵華鑒歲曰鐵華
石氏收藏曰石徂徠十世孫賚良印曰石氏襟花蘭亭館曰
石鐵華襟花蘭亭館曰吳郡石賚良鐵華氏歲曰虎邱二泉
亭長曰七十二峯閣外史曰聽松居士曰鐵華秀巖壁曰花

開鐵樹紀吾生卷末附有錢牧翁撰靈均墓銘後有墨筆記云乾隆五十二年歲次丁未嘉平初吉偕俗城光祿坊林氏樸學齋藏本校補鮑松居士石鐵華記於丁戌山房寓館鐵華為吾郡人觀其題字藏印亦精於鑒別者乾隆之末距今不過百數十年姓字翳如可歎也樸學為林鹿原先生齋額其時鹿原歸道山已久當從其後人得之後有二跋一題嘉慶六年臘八二面山樸借讀於福建中鎮之省齋一題嘉慶甲子嘉平下浣東侯宮林靈雨蒼氏借觀後有臣靈老蒼兩記首冊亦有兩蒼借觀印是其書實自閩中流轉至吾郡通篇皆題寒山金石林惟第一冊首葉靈均自序寒山下有堂字旁末筆校云祥符周氏藏銅官山人後跋本有堂字元和韓履卿鈔本有堂字又綠筆校云南海伍氏粵雅堂叢書刻

本同卷末亦有朱筆三則一銅官山人記一泰齊記一三字
生識既無姓名亦不題年月又錄靜庵居詩話一則後附識
語云靈均歿已百數十年讀牧翁誌其人如在靈均歿於桑
海之交以其時計之其人正在乾隆之末與聽松居士同時
筆法既與卷首朱綠筆如出一手朱色亦濃澹無間履卿先
生在咸豐時粵雅叢書亦近刻安得預見之邪是朱綠筆皆
為後增卷中又有魏稼孫印稼翁與祥符周司馬李貺為金
石文同在闕垣聽鼓藏書得通段所謂銅官山人本款即周
季公所藏而朱筆題字皆為稼翁傳錄於石本之上也
十八日得雪澌函送至劉猛進墓銘打本一通猛下實是進字
雪澌氣風均釋為健字殆從石上歸觀未審不如拓出後筆
畫清明可辨也飯後正自繕寫而佩鶴忽携其如夫人同來

此老興致真不淺也命劉姬出遊魚軒樓下樓上各為賓主
佩老携詩稿三冊見示並示近作 文廟舍菜七律兩章又
改定 大行皇太后輓詞二律

廿一日得佩鶴函寄示 隆裕皇太后輓詞續四章還謝八章
東坡生日詩二首叔彥古詩一章其題曰大衆禪匪風下泉
之變調也

廿五日釋劉撫進墓銘自錄一通畢其文分兩面刻面各十六
行行三十一字文筆雖拙安羽之飾紛數班駁與甯贊碑同
一氣息石質駁裂字體皆從簡省利缺譌奪結屈難通昨窮
晝夜之目力潛心鉤貫摩挲至十餘遍始略得其端委略言
劉君彭城絳興里人楚元王文之後文當是文之駁文叙先
代世系頗詳官職除授並其年月而書之其祖名曉渠通直

散騎常侍寧遠將軍桂陽太守父名仕口仕下一字泐終於
武毅將軍歸善縣令猛進於陳太建四年除散騎侍郎大隋
啟業大荒之月奄從殞積春秋五十有五即以其年建子之
月三日丙寅窆於南海郡西北朝亭東一里半首一行題前
陳散騎侍郎劉府君墓銘曰前陳文中又有大隋啟業字猛
進入隋初始平其石為隋刻可知氣風雪激皆云陳石者錄
家所希見此但據太建年號而未即其首尾詳致之耳
廿九日自 隆裕皇太后上賓佩鶴先有輓詞五言兩律既見
還庵八首又續作七律四首小臣衰病不能宣敷 聖德員
咎滋重亦力疾謹擬七律四章但莊鳥越吟不能為閭宮之
頌視兩公作禮乎後矣

三月

初二日作七古一首

初三日得荻風函為吳興劉翰怡承幹介紹請見寄佩鷄一紙
歸曹詩又以昨作勘詞圖詩就正

初九日作七律二首

十一日作詠物詩兩律聊以遣日

十四日與化李君審言名詳孰精選學舊在蒯禮卿前輩處謀
讀今為聚卿延教其子弟午後介積餘同來衣冠甚古望而
知為樸學出所著魏生叢錄一冊為贊魏生其自號也又贈
七言古詩一首起二句云雁宕龍湫古未聞伐木登山奇始
獲又云體仿雜事南宋詩碑廣韓陵北朝石頗能推見著書
之意但魏不敢當耳

十六日作七古一首次李審言韵

附原作

雁宕龍湫古未聞伐木登山奇始獲
葉君愛奇善著書鑿險
鑿幽如謝客體仿雜事南宋詩碑廣韓陵北朝石善言物始
推檀弓歸然不朽惟此翁隨珠郢璧翫掌握變陬夷落趨來
同金閨通籍廿餘載牛腰捆束歸忽忽洞庭煙水涵林崖投
老栖身依木漬重爲不秀與玄稀靈鶴垂世流塵速借觀紛
見一鵲投傳鈔幾費千兔毫印懸門似濮陽懷見爭叩膝
親坊晁陳歐趙無此業東馬嚴徐非所望桓譚書敵待頻富
徵室壽永名山藏宇宙崩騰市朝變漢季交州集羣彥繆徐
說君不去口肯爲先游期一見聞聲相思業有年識面後時
輕自炫徐君慷慨爲我求驅車驅車并蹇修詩高聊腰爵里
刺文米惜之珊瑚鉤三士談道殊不惡且與蒲被平生愁

二十日作七律二首

廿二日作劉猛進碑跋

廿六日劉猛進碑跋已屢易稿猛進事實史傳無徵但就職官地名年月參互攷訂雖猶有發明皆枝葉也今日痛刪百餘字重繕一通又增後語一則略疏其字義

廿九日佩鶴携其孫同來葵初之子也年十八歲矣又為如皋冒鶴庭孝廉廣生轉示 隆裕皇太后親刻五言排律一首出都重有感四首謁墓一首皆七律冒君為黃叔雍之壻今在甌海關司權非其志也夙未謀面遠道貽詩以梅邨自況有云誤盡平生負盡恩半文不值復何言又云總為巢由母尚存語雖未工其志亦可悲矣

四月

初五日聽生自青島歸長談不覺暝色之已深也臨去詩契齋
棠原鈔二冊及新刊兩部即面付之此棠五年前銅井鄭重
相付今藉仲午之力幸而刻成還書其子可以告亡友矣得
慈石函貴至神識碑一匣前題詩跋已裝入卷詩內刻慈民
之氏字為精工挖損屬補填又以士禮居芳林秋思圖屬審
定改七齋所繪也贈唐荏苒井開題記拓本一軸開元二年
五月十八日今在金州族順口光緒乙未登萊青道貴池劉
舍芳搜得於黃金山陰築亭以護之

初七日閱芳林秋思圖自遣菟翁擬芳亭看桂與潘榕皋先生
唱酬之什也吳枚庵期而未到有詩三首改七齋為之圖又
別繪石一卷秋色數種前有潘文恭公題二絕後有石琢堂
一絕載松門一絕其餘皆潘黃兩家詩也三松老人錄舊作

小疾偶吟一首末二句云童孫呈近稿撥鐙喜能傳自注祁
孫學為制菰未能成章而楷法漸進擷芳亭在敝廬之東相
距十步而近下走童時受知於西園師登堂執贄又嘗賜宴
於婆羅花下時親道範偉然長德鬚眉龐古即卷中所謂祁
孫也歲月如流先民不作即昌熾亦頽然頽白矣今昔之後
又成今昔披圖能無慨然

初八日心葵自蘇來以迂里李貞母遺象卷屬題鼎康執事李
荔邨之先也前有鳬舟先生所撰行略許李本世戚

十三日樓居無事作七古一首遣寂

十六日少雲來言其戚謝氏有子五歲婢出也不容於適母因
之不容於其父由祖母撫養慈百年後有申生伯奇之痛願
出為人後前日允之夫人來介紹已詳言之矣先又聞之蒿

隱夫人即其母族也既屬清門又為庶孽根柢清微非拾得
此但教養不易異姓承祧亦為上奉祖考雖有螟蛉一本之
義何可薄也此在為之母者於為母為人後之道先撫心自
問老夫何不可之有

二十日作文一首書顧貞母遺象後

書迂里李氏顧貞母遺象後

李君麗川迂里世家今居瀆川介王壻心葵以先世顧貞母
遺象見示清風有煒昭明管彤沈文起邵蕙西兩先生之文
本天咫鑽神達誦芬揚烈傳信來襁錢唐伊氏亦太僕之諱
友也錢唐伊樂免據禮經駁歸熙甫
本家守貞為起禮之託甚精昔我先正言明且清後
有述者弗可尚已天將喪亂神州陸沉倫紀棄如弁髦風教
淪於傑昧壹醜之義兩斃之節橫目蚩蚩若罔聞知不意桑

海之交施邱僑寄猶得瞻義姑之圖象續中壘之緒言披斯
圖也如游裸壤得見章甫達掖之儒服如繫閭室披豐蔀而
睹日月如出魍魎周兩之鄉履道坦坦天清地寧臺符宸敷
大書炳然想見 聖朝萬阜米菰之化施及海隅陰教所被
皆克以禮防自守豈第李氏一家之光哉寒家亦居花橋里
東鄰即顧氏今其宅裔已式微且易姓矣迂里李氏世服光
疇麗川君服膺貞母之遺訓從五世之下奉持先象續徽圖
誅予子孫孫勿替引之麗川君之志也顧陸未臨東吳冠冕
前有鬱生後有貞母吳姚信之言曰昭德以行顯行以名今
無有司表閭之典昭德顯行舍文字曷由拯末俗之膏肓扶
人綱於將墜昌熾雖不文其敢不奮筆以繼文起諸先生之
後以詒鄉人士以俟永清大定之日距誠反經之君子癸丑

夏四月長洲葉昌熾

廿二日恒源三珠來自言家無典籍見架上有漢書攜之去留攝影一架置座隅伴老夫晨夕童子知嚮學甚可嘉告以篋中無長物惟有書若能讀異日當致蔡邕之贈其旆旃

廿四日聞昨宵有人攻製造局不能克局中先得謀信僞樂甚嚴當場獲首要徐企文暨其黨羽翌日又續獲多人當五闕時槍礮之聲甚劇城西一帶居民恐慌有冒雨逃避租界者蒼頭突起不知主名安在其實攻者匪守者何嘗非匪以匪攻匪以匪剿匪而已矣

廿五日佩鶴來出其家譜序見示商榷義例金陶廬觀察繼至携江南春詞一冊見贈明文沈諸家和倪雲林之作也廿八日得仲午一函厭苦世囂喟然有高舉之思

五月

初三日劉乙青來持其先孝惠先生遺象見示後附天平山墓
園孔繼堯蓮鄉所繪成疊間題詞五家引首籍文五字宋文
翰若飛筆也先生名 疏漸子另有七十壽言兩冊一冊
七家有王貞明節一冊二十五家有章美湯復楊允補金李
章又楊維斗先生一首自著中道人復尚有衲米一首下鈐
米字印諧孟一印明妙晚衲梅子一首下有吳梅匠生兩米
記皆是明末遺老隱其姓名引首賢良耆舊書五字著衲弟
大時冊尾一首亦其所撰題大時韶有浚印世韶米記當是
其姓名也桑海之交鴻蜚行遊故卷中諸賢姓名多不可攷
即如姚文初一首自著曰虞權蓋取虞仲身中清廢中權之
義賴有名印得知之又向若先生七十嘉誕序一冊漸子之

子也表微公白撰

初六日猶餘招飲同興樓今日為 先妣忌辰本擬函辭但辭
必改期非所以邇主人也座中有蒼石屢約而未能一見奴
子病足携杖獨往主人為特設素肴亦未舉箸清談暇茗而
已同坐九人茲風雷言之外陳伯嚴同年三立胡瘦庵傅御
思故李梅庵觀察瑞清晉初識荆鄭蘇龢張鞠士則舊雨也
蘇龢不見亦將廿年又一人即慈石也瘦庵推髻梅庵羽冠
整衣竟作羽士裝瓶風攜示米海嶽畫文明本也上有鄙人
題籤定為宋本顧河之武保澗顏先生之孫跋為予此簽
此跋舊在部門為丁叔足題率爾命筆二十年後重睹惘然
如夢非有姓名筆跡為證不復自認始知士人文字不輕假
借真有深意非獨慄於清談也

初十日重讀魏志前十二卷訖余於陳永祚書用力不為不動然覆卷猶未能闡誦古人過目不忘何可易及

十一日今日為黃菟翁百五十歲生辰執風臬折柬招同王雪

漱廉訪徐積餘觀察張菊生京卿南潯張石銘劉翰怡集於

醉滙酒樓

三馬路平街口

尚有兩客曾見於菴風處不敢問其姓

名也繆徐兩君及張石翁各携所儲士禮居舊籍有復翁手

跋者陳列几案不下二三十種縱覽所及有鄭元祐倚吳集

舊藏靈鶴閣曹為師鮑作一跋久不知其所歸今始得見之

史部有虞襄石湖志略文略初時嘗從畧里瞿氏段錄一刻

此其原刻也說部有吳處厚青箱雜記李上文近事會元譽

書有活幼新編集部有嚴滄浪詩蘆雁門集唐中興間氣集

不能悉記也積餘又為李審言袖交海上流人錄徵事狀駢

文胎息甚古然欲仿永嘉流人錄之例為海上寄公人作小
傳近於標榜聲氣不敢與聞也席有蜀中辣豆瓣此言之昌
歎羊棗也不禁頭動雪翁即持贈一瓶此拜即其家庖珍錯
雜陳無非邨厨常饌也歸途遇雨得金陶廬函寄贈唐李蕃
南巖亭記元和七七年也正月也後三載立此石在梧州阮文達
訪求而未得者又王臺名翰集帖禾中女子徐範憲媛所刻
僅存漢衛茂漪唐吳彩鸞薛濤宋胡惠齊居士黃由元管仲之妻
姬明葉小鸞自然居士張淨妙河東君共八家後有馮柳東
跋又惲氏先德帖南田老人札居多又唐元次山冰井銘即
陶翁所補刻下附漫亭記去原石猶遠不足存

十二日得張菊生函以新刻家集見贈螺浮先生入告編退思
軒詩集皆張惟亦撰其餘張蟠亭胎賦閒樓詩集張蘆士芳

渭質谷詩選張青在捫腹齋詩鈔宋松張詠川宗楠稿村詞
存共六種附諸家涉園題詞則張鵬徽所輯也

十四日煥彬自長沙到滬午後來長談知後事自言與民黨為
敵前刊翼教編鳴鼓而攻無可規免此時祇能以戰為守日
與黨人閱於里門此言殆自夸若果然者何以免於今之世
耶見贈新刻元朝秘史十卷續二卷共六冊嚴東有詩集二
冊自撰藏書十約游藝危言合一冊亦以藏書記事詩一部
報之作七言古詩一首

十五日錄下讀歸求草堂集豕魚滿紙真有刻如不刻之歎
十六日滂喜齋藏書記黃堯翁跋未全錄因士禮居題跋記已
收之矣乃聞蕘風言文勤搜輯此書時但訪求諸家藏本而
問其家書不出前作一函詢仲午昨得其還書但依然一箇

問胡盧耳作七古一首錄下苦吟未就卧而沉思若大之始
然泉之始達沛乎莫禦細攷新詩須枕上真甘苦有得之言
也

十七日又作七古一首

十八日心葵來携其弟沈筱韵遺象求題韵初先生之子而余
之反門也

二十日根生同年來慨歎劫後事並及岷山鹿門習公池諸勝
辛亥八月之變正握襄陽篆

廿六日得煥彬書商刊吾宗橫山公已哇集天寥先生午夢堂
全稿又言進城過分湖宗子印濂茂才見小鸞女史遺象雪
激來談金石藝技勳談貴州莫鄭之學

六月

初一日子勳同年鍾廣漢軍旗籍也由詞科截取知府分發浙江到齊督兩湖奏調赴鄂又隨節移兩江夏漢姓為楊改名鍾義補淮安調首府辛亥之初偷居海濱宦囊如洗去年遭母憂至無以庀喪事古惟子培兩君為言翰怡延司校勸助以四百金始克携櫬歸窆廉吏可敬宦途之下場亦可歎也初二日日將暮翰怡以車來其寓在老垣坂橋之西貽德里一百三十六號見執風子勳益庵寓海章一山同館後輩又兩沈君一號醉愚一梓重大令三十年前舊雨也今年七十三矣所見古書以蜀大字本文記為最佳無索隱正義但有集解止及西蟲同年之物尚有宋蔡宋書大字本通鑑紀事本末其次名叔遠以二千番質於翰怡未必能贖也執風之守山學津兩鉅編亦歸於割值五百元又以三百元從京估得

永樂大典殘本三冊不啻千金市駿矣湖鞠生亦得兩冊流出東瀛者不少矣又見一銅造象板質甚薄頗似書範刻河清紀年此不可信談至半夜方散天雨泥塗與執風同車返携歸楊見山太守漣鴻軒詩二冊年譜一冊續一冊求作序初十日得益庵書送至金石錄補一篋十六本云是許升臣手稿未刻屬為估直正益錫色里誤長洲為常州已可哂及啟而視之非許撰而葉九來之書也硤石蔣氏已刻之海上書估朱槐廬又刻之九來自序裒然在首但有許心宸藏印許為葉九來之壻九來身後遺書歸於壻家安得謂即許所撰邪書估作偽而又不善於作偽所謂心勞日拙也即作一正直告之日既映張萌生叅議來言新得述古堂題詞與敏求記有異同可勘似也是翁手跡當是敏求之初稿又陳子準

琴川志注鈔亦寫本長談而去

十二日流言九江不靖南北軍已交綏以暴攻暴勝負皆非樂聞但苦吾民耳

十四日此間製造局已成嚴洋釐飛漲踰八錢槩若晚車來言蘇垣商市往來已斷絕五十元以上即止付人心岌岌不可終日寓人避難者絡繹不絕

十六日此間警長穆杆齊即行辭職其下警官亦頗有隨而去者李鍾珏毅然出而代之穆名湘珏舊為品珠祥業生平書吾故友也一書名一書字聞者當知之

十九日中山□亦大□有三電數表罪一宣言告全國之人也一通告政報軍學各界一函真詰表則具詞鋒甚可畏有云清帝不忍人民之塗炭公竄忍之公若欲一戰宜用於茲

忠 清帝之時又云公辭職外無他策昔日為任天下之重
而來今日為息天下之禍而去謀心之論咄咄逼人然良能
固其一言而寧裳以去乎吾未敢知

二十日昨子夜後心血來潮卧不貼席亟起閉目坐未十分鐘
隱隱聞砲聲自遠而近漸猛漸密既而連珠不絕難以排槍
知高昌廟南北軍開戰矣約四十分鐘聲漸停五鐘又作有
三巨礮轟炸之聲極烈直戰至九十點鐘始寂然無聲間消
息無勝負但聞死傷枕藉有千餘人之多紅十字會汽車飛
馳於道傷軍抬入醫院者無算康吉全家在城中四妹又病
鞭長莫及焦灼萬狀清晨訪仲侯商懸重賞募一人入城探
問而交通已斷歸而躊躇無策至午後仲侯來則已冒險進
城矣其家無恙聞之稍慰薄暮又來則云金春已出四妹挈

一女在其家病略減即携杖雙雙往視則康吉亦出矣即邀其到廬齋下榻仲蕃夫婦挈子女及兩妹往汪黼臣寓逃難之人自南而北各携行囊男啼女哭流離顛沛之狀慘不忍睹聞今晚尚有劇戰北軍因避租界礮聲將移駐城中宜其狼狽如此也康吉到時言南北軍早於四鐘又開戰礮聲槍聲更劇烈踰九點鐘有一巨砲聲如巨霆租界房屋皆震震動其時果若過在此也此後礮聲稍稀然仍繼續不絕再接再厲直至黎明五鐘始全息

廿一日今日晝間聞南北軍仍未息戰但不聞礮聲晚餐後約九鐘半又聞排槍甚厲間以礮聲通宵不停此次槍聲多而礮聲少直至黎明五鐘時始又聞巨礮聲其聲更劇烈槍聲萬弩齊發如昆陽城下之戰屋瓦皆飛砲聲腦膊之聲轟於

耳鼓山嶽為之動搖神鬼為之焦爛不知斃生命幾何矣昨日城中之民逃今日南市盡空浦東亦有避逃兵者凶人之肉其足食乎

廿二日晝夜槍礮之聲驚心動魄伯英夫婦先後踉蹌返里留一女傭守寓康吉晚歸言四妹病稍稀惟神迷驚惕手指搖動頗疑熱症不僅浙浙為患也夜九鐘而軍復開戰機關槍炮之聲連珠不絕照海鏡空中閃爍礮碑一見即聞辟曆一聲轟然墜地想炸彈橫飛又不知斃生命幾何矣鏖戰至三點鐘其聲始漸微漸移而遠然仍隆隆不絕於耳五鐘始平靜

廿五日閱報准劉之潔楊徐寶珍皆電程取銷獨立滬城避兵者漸歸警長穆知事吳復起而任職以為必無事矣豈知夜

飯後約一時許巨礮之聲突如其來其來之速而且急如青天辟曆從空而下又如飄風急雨之驟至槍聲如萬弩之齊發再接再厲連珠不絕自九點鐘鏖戰至三點鐘戰地漸移槍礮聲由近而遠至於極遠忽又移近城中及南市居民聞其舊業立足未定波瀾突起倉皇奔避扶老攜幼號哭於道路顛連相望嗚呼慘矣

廿六日聞開北商團與租界華商夏粹芳龐萊臣等小有衝突洋兵出防居民疑有戰事紛紛南徙南市之民又北避行車交錯於道路一時人心恐慌萬狀夜十點鐘礮聲又起但遠聞不甚烈為時亦短聞北原因由南軍司令部移而之北租界華商夏粹芳等十七人蘇廠九家營業皆在其地公請西人義勇團驅而出之聞北商團羣起反對謂中國地自有中

國人保護豈可令外人干涉函請交攻繼將用武其實商團
皆與革匪通並非為喪失主權計也主權損失何限豈在此
區區淞滬幾於偏地皆黨偏地皆匪商團匪也學生匪也紅
十字會亦匪也報館自申新時諸報外皆為匪謀為匪機關
羣山三戰三北而猶負隅固關者皆此輩為之後盾也亘古
未有之劫皆人心自造悲夫

廿七日昨宵不聞槍礮聲人心亦稍定得伯英函勸歸里非不
欲歸四妹病方劇如手足之誼何

廿八日病作失記自夏徂秋至八月十八日沈疴五旬瀕於死
者屢矣而卒不死祝宗之祈已久不即解脫果天之佑我邪
抑困我也其時四妹病已深即於二十八日先我而逝同懷
之痛又弱一個困於床蓐不能躬往一慟痛何如之賤恙初

作時淹醫薛一齋診一次其後智涵之子南望診至四次但收與金不收診金便秘至踰二十日服草麻油仍不下而中脘煩替欲死劉翰怡京卿介益庵魏稼皮機以洋胰水灌之腑始通此第一轉關心葵陽一二日必來存問又屬其莊友陳淵如與辦卿在永年祥相定送終之具藝源板價八十一元仲侯為至蘇垣製殯衣寒舍內外一切惟振聲足賴先後兩赴滬康吉於哀悼之餘時來商藥餌此皆至可感其餘淮海喬梓存古兩孫君亦絡繹來視疾仲午頻從蘇莊探消息二弟婦與兒婦偕來三日歸兒婦留海上十七日始先返此皆從病楚後追憶而得之八月十九日緣智力疾補識

八

二十日篤疾雖暫起瞿然骨立自知精膏銷竭大暮有期流浪

海濱不知首邱之為善過中秋節即僱定謝興科盧墟船一艘由商局駁發小輪帶駛昨日先運行李今日午後三點鐘下船開船已薄暮

廿一日日出後即抵覓渡橋進荷門泊胡廟使卷馬頭雇肩輿返舍淹寓炊宿之外無餘地不堪澈隘至此覺心目頓然開朗勝於一劑良藥也

廿五日子美表弟前以喪偶求誄詞病未能報命歎然也午後作一聯就之詞曰畫筍形箴仙島魂歸明月夜孤燈總帳塔鄉腸斷過雲樓

九月

初七日昨子沂言黃天源糕糰銷十景糕新發明之食品也甘鬆適口宜於老病姑試之果不謬而家人無知者 先太淑

人在堂時家中婦女謹修中饋之職烹飪之法耳熟能詳今則一付諸庖人明日食何饌不知也今日饌何價不知也當食洪七著則羣集呼盥漱則紛散戒之戒之言者諄諄聽者藐藐世風之不古即寒家已可覘其升降矣

十三日在海上聞叔彥斷絰未訃不知治喪何日今日送一幃女師德象四字一聯詩書執禮雅言梁業相莊儼然師友滄海橫流方垂陶廬偕隱尚矣女宗

十五日余生六十五年矣今日為初度遭世艱屯家亡園破方恨蛻骨之不早而家人以大病得難請援年例設湯餅重建其意媿何如矣

十六日前三日聞幹姓病有轉機方喜慰寔知昨日黎明下葬後驟然疾厥已刻竟錫家人以余誕日秘不宣今晨始來告

噫我生之辰乃為彼死之日傷哉此子聰慧不類父兄方冀其亢宗而天奪之年寒家不造尚何言哉二弟婦苦節三十年一錢承祧更無以慰藉之惟有相對汎漚而已

十月

初一日朔望久未詣神龕今晨始力疾行禮跪起皆須人扶掖十三日範卿丈來不見暮歲矣長鄙人二歲而飲食步履望塵弗能及對之自慙形穢攜西園師畫蘭十幅徵題又出南漪散人書冊求鑒定小行楷仿香光頗不俗後却小璽曰正誼曰三近當是其名號何時人未詳

廿八日得李審言明經書言吳枚庵自定詩稿已攜在行篋可寄示願易五十元

三十日粥無有命劉姬製花生醬栗鮑魚一尾重十二兩十八

銅元瑣瑣記此非老饕也從前吾母吾婦中饋之職躬親
煩撙家雖貧堂上甘旨未嘗缺今則足不履庖廚手不持刀
匕而古則能知味耳目尤能伺察有無予取予求悻悻見於
詞色此食於人而非食人者也其稍可驅使者從田間來未
讀食經自幼未嘗闕市門物價貴賤物品良窳皆所不知食
苟空空握錢盈掌而矐目無如何老夫若不自求口實淡食
久矣朝餐夕飡之不憚煩豈得已哉

十一月

初二日午膳甫畢聞有客踵門不可卻奴子往覘則純齋前輩
自青島見存喜而出迂龐蜀奉使別踰十年精神雖矍鑠鬚
髯皓然矣桑海之劫宗子童昏神奸盜鼎寧銀搔腕以言之
青島為勞山之一支逶迤入海有大軌可通若東氣卑則一

日可往返上清宮海濱疏曠風撲袂冬無凜寒夏無酷熱
宜於衛生尤宜避暑惟賃廬不易十金一椽尚非精舍糧食
魚菜皆自港往其值約高十之三港輪一晝兩宵可到大餐
房來回索三十元僕四元此次歸埽先擬却裝於小院同叔
齋中先與紫束約同詣 崇陵恭送 隆裕皇太后梓宮奉
安不能久留越日行矣諄屬無報謝索贈藏書記事詩一部
長談而去

初四日辭鄉來為鄭楠泉同年求銘幽之文攜家狀見示前日
其子祖植來求見以病辭之茲知其號耕餘僑寓衮繡坊巷
初六日來覲生前輩作古年八十矣

初八日授士宮課三百餘字病後聽其荒廢今日出而溫燖之
已四月餘矣遺忘僅十有七字此女記性不劣惜老夫耄矣

不能如伏生之授經也

初九日得李富言書寄至吳牧庵詩寫本似是手稿有刪改處
眉端間有諸家評語題曰與稽齋叢稿原本三十卷今佚存
二十卷詩詞全自二十一卷以下皆缺計闕雜文四卷而富
懷舊錄四卷詩臚一卷楚游紀程宋游紀程合一卷尚有附
錄三種曰楚游贈言曰借書圖題詞曰撫鬚索句圖題詞亦
佚據審翁自跋同治乙丑其太翁客於吾郡在閭門外冷攤
得此集未知海內尚有完本否

初十日屏輿在濱川廬廬三年無大病天真丸之力也自歸花
橋老屋壬子之冬曾由王鴻齋堂配一料劉姬不慎於收藏
經零雨腐爛一起棄之自後藥籠遂無此品竟無歲不病今
茲夏秋益沈頓家人皆以為言前日市藥付潘寄一飲片店

今日又送去羊肉一元共五斤八兩除淨僅得四斤尚不足
宜前人立方多至七斤也原方從容歸身懷藥天冬黃芪黨
參白朮共七味自增枸杞杜仲各二兩參朮芪亦各增一兩
原吉屬集漢碑美意延年四字正催報命昨宵取革編檢之
惟魯峻碑延年二字之外意字有德字可段德萬之德碑尚
省作意
闕美字此外並三字者鈔降格以求得魏黃初受禪碑四字
全美美或於受終
延公侯卿士 □□不可以意且新拓本泐雙鉤可省
目力若以受禪二字為觸時忌或變文為繁昌靈壇碑可耳
十一日服參續已半月劉姬從藥笥中檢得室人病亟時所遺
遺後六分上品也即煎服之昨日又以舊藏吉林清水細條
重不及一錢分兩次服覺脾陽驟振精氣來復從前一滴不
能入口今服而有效良可知矣

十四日乾卿丈出來准題畫冊是未知病馬之他蹟也然卧疾五月久不拈筆本擬以小詩導思泉之路即先復一紙燈下成三絕句

十六日昨燈下作長歌一首題沈後韵遺象枕上續成之運思稍過度適宵未寐後當以為戒

十九日午後盡庵自海上來言劉翰怡藏 御筆小臣曹侍講惟宜謹題其後河陽方行何可下筆作天真丸歌

二十日得李審言函言董投經同年以所藏書至海上待價宋刊吳郡志載風作緣以八百元售與南潯一富翁非翰怡即張石銘也又言皇明典禮世無傳本靖難以後五百餘年未見天日新從友人處得見前有建文三年御製序共九十葉皮紙精印

廿四日朔晨長至循例先一日家祭作七律一首祝上苦吟至
微曉不寐成之

廿五日得仲午書告吳伊仲集松堂無藏本並以萬肪手簡及
七絕兩首見示又附至文動師尺牘兩冊屬題簽

廿六日作七律一首

廿七日寄叔彥一紙附去長至詩一首嚶鳴求和又復審言函
請以三十元為壽吳集歸款笥

廿九日得李審言快信一函吳集允三十元見歸請益拙案兩
部又得叔彥函長至家祭詩與蘧翰前輩各次韻一首錄如
左

地純網維天有樞流丸四走失甌史實符何事求丹穴 聖
學猶聞授綠圖詞客美新心已死遺民思漢口交孚陽生茂

琯飛灰動日出蒼生望海隅

綺園

審諦微文運斗樞元機欲問鬼區史雲和夢想
圖丘樂子
半游參外氣圖至日閉關那嘆屈孟取政藝候鷄孚人心不
死天心轉會看青陽徧海隅

梅隱

十二月

初一日作七律一首

初二日仲午來又以文勤師尺牘兩冊屬題簽前後四冊皆與
香巖居士論友論學論收藏墜言佚事皆有資郡中談藪不
獨一家之手澤已也星台繼至言沈習之敬學父子先後殂
謝聞之愴然身後遺有王康州畫卷其弟名敬思疏立之欲
求鄙人題數行以志兩世交誼此不可辭也

初五日梨若來前求趙琴濤輓帖尚未報命知其意在催科去

後即恁恁作一聯馳出送去 以計然起家領哀羣英弄海
奇才猶小試 惟鮑叔知我霜襟長勸登堂異姓託同懷
初七日得還韓一紙詩四章與叔彥又各次前韵兩律索再和
兩公興真不淺欲勇者賈余餘勇竭鼓一催雙葩先放如鄙
人者枯枝願頽望而卻步惟有退避三舍已耳又附呈六賤
瀾行可書僅寸字叔彥以視不明製以備通函者屬繕前後
詩兩分留將來鴻爪來詩即附錄如左

兩戒誰聯南北樞吾曹國小似司史閑闕欲擲凌雲華襟袖
難成就日圓百一新吟微指喻二三舊好惠心手長同彩線
添詩課銀燭光寒照四隅

文壇公已擢元樞新屬名聯笑氏史避俗有時吟采里消寒
無意染梅園空懷蹈海中徒狄願作純臣司馬手珍重桑榆

收晚景不堪回首望東隅

絳園逸史呵凍癸丑嘉平六日

張弓天道起塔樞來往何須問夾史尚有周官將玉璽終教
漢輔復黃圖風來嶰谷清微悟月印關齊寂理孚奏樂八能
高密義願為都講反三隅

諷籍新詩如握明月之珠綴繁露之玉稟經酌雅義深文
明竊慚自檜聊附錄幽仍和原韵 梅隱初稿

羣魔諱諱撼琤柜偏向天驕說蜀史新莽猶持虞帝乙河神
豈授媛秦圖時升定卜潛龍用伏蛰還教羸豕爭褒德他年
丹詒下待清聊可止邱隅

東方未明耿耿不寐三復高詠以彥和之文心運康成之
經讀篤雅徘徊味美於回不揜精味再和一章以博莞爾

梅隱又上

初九日得益庵函言劉翰怡欲刻湖州叢書楊翁詩即其一
種為一集作序不如弁冕全書屬無輕下筆又願為吾郡先
哲流傳遺稿敬聞嘉命馨香以祝但言之匪艱行之雖艱劉
君其勉旃作七律二首

十二日午後芸葉來長談至暮形容憔悴舊時豐頤廣額今長
而削自言送終之具皆已豫製兩年不食米飯午餐以麤晚
以薄粥年歲同名位同憂患同平生困學飢驅亦大同宜其
老而同病也

十六日得星臺函附呈王蓮心山水一軸為沈立之求題前云
廉州者誤也

十七日得蓮臺方伯書昆仲七律各一章四疊韻矣三鼓不寐

非樹降幡不由息戰

消息乾坤轉玉樞蒼龍啟蟄在須臾如前送臘收殘局此後
流民莫再圖虞帝重修元日典文孫終作萬邦乎歲星未木
當陽責葵藿微忱不向隅

平子四愁長吟不輟枚主七發宿疾全蠲敢云僕病未能
顧效曲終奏雅 綺園逸史時年六十有一

萬國來同星拱樞神龍天際見須臾詔表還服漢家臘鳳康
重開三會圖震出當陽乘泰運乾升在上應需享夏正依舊
書雲物斗柄翹瞻東北隅 梅隱四疊前韵

十九日數苦果函借范翰尊來宗洽園詩稿兩冊自卷六至十
二止前五卷已佚翰尊為文正後裔乾隆朝舉鴻博判科亦
為吾鄉作者其集閱肆三十年未見雖殘本亦可珍鐫下即

手錄首葉吾老矣未知其能卒業否

廿四日作五言一首

廿五日叔彥來出示悼亡兩律其題曰可以怨又望月感懷一首亦黃門之思也東坡生日施的五言一首七言四首越中宗加彌大令能述前為吾郡軍官頗有稱聲鄙人杜門謝客風未往來今又為民國知事忽以其先德滌子先生稷辰躬恥齋全集見貽都八冊文鈔十四卷後編六卷詩鈔十四卷後編七卷附校勘記一冊

廿七日曹揆一函來並附到蕤風一函為張石銘孝廉作介明年欲出所藏舊本書纂一目請鄙人主持其事商潤筆或月錄或書成致幣研田無歲久矣升斗之獲亦所願聞

廿八日己酉戌日又為本命長生之日詠吉敬神簿莫拈香上

供仍以 大清章服行禮寄筱珊一函允觀清河書畫舫鈔
洽園詩稿卷六訖共十五葉

三十日振聲歲終報政會稽一歲出入又總三年而計之尚虧
銀一十七百二十兩餘經存貨照時價七折估算約可申出
兩竿餘是暗中元氣已漸起徵天之章明年若無驚波風正
帆惡可達彼岸矣

甲寅正月

初一日循年例神座影堂拈香供粉荔今年六十六矣去秋避
地海上世網一厄也兵禍二厄也病困三月幾至不起三厄
也今幸一度歲朝又到 神貺 祖蔭至高且厚可勿兢兢
思所以仰答哉

初三日洽園詩稿與榕岑先主屢有酬答知為松堂吟侶去臘

訪諸仲午萬舫文拙架果有藏本今日函來允借即復一紙
假前五卷補鈔

初五日仲午伴來齋至洽園詩稿五冊後一冊為詩餘於此始
窺全豹

初七日作七律二首

初八日作輓對一聯代伯英誄其泰水即元壽銘之母也港清
度殘年鶴唳風聲迴地魄疏半子職潢池經小劫驚耕雲路
生天仍證列仙班

十一日作七律一首

十二日得蕪風函張石銘藏書目勒限一年成書月送潤筆五
十元共六百元宋元精槧移度煩重以書就人不若以人就
書海上遊翳鄙人本有此意但限期太促近於包辦之局非

言一
所願聞也

十六日復執風書告以成書之期未可懸斷請展一年期並請
先開示一目如不得命舉曹揆一自代寫洽園詩稿第八卷
畢共十七葉

廿四日閱二蘇仙館尺牘皆潘文勤師致香嚴丈啟事桑梓類
風痛心疾首至於榜門逐客當日得聞於函丈竊以為過今
日身為陳人長物親嘗此味始知伯夷之非隘而袒褐裸裎
之不可偕也

廿六日寫洽園詩第十卷畢共十四葉

廿七日根生太守函來送至襄陽墓誌八通十年前新出錢仲
仙并以見貽鈍濟相緣又先後見贈篋藏非一至青州臨淮
王造象則更為陳因之象不欲虛吾友之惠即作一函返璧

惟留唐魯美一通大中十一年柏仁李德玄文則所未見也
三十日飯後仲午來談叔彥繼之携七律一首見贈過情之譽
室有奇書門無俗客讀之已不無慙汗至以鄒孟蜀嚴為況
則更芒刺在背矣又見示寄梁節庵兩律有云凡同血氣皆
知敬亦有心肝媿不才其言沉痛亦令人肅然起敬節庵吾
故人奉 本朝之命守護 崇陵今之烈士亦奇士也長談
至暮送客後德已極不復能伏業矣七古一首為人題畫幸
於午前先脫橐

二月

初四日洽園詩稿第十一卷傳錄訖共十三葉

初五日前遺仲午書偶及香嚴書翰之妙非索觀也今午出來
不知何以誤會以尺牘一冊見示又附奎張文襄兩冊丁酉

生中丞高伯足刺史各一冊皆與文勤師往來書疏

初九日鈔洽園詩稿卷十二畢共十七葉作七律四首均步叔
彥太史韻

附原作

斗杓高指岱拳尖學仰儒宗貫巨纖室有奇書環四壁門無
俗客下重簾守先待後古鄒孟勸孝言忠今蜀巖滄海橫流
心止水乾綱不拔復初潛

初十日海昌費景韓孝廉自滬清來持瓶風函及其居停張石
銘孝廉鈎衡刺求見此來為石翁商纂書目昨日到蘇屬城
隍廟前可大典鋪即石翁所設肆也先以適園書目一冊見
示宋元刻及舊鈔約可百餘種宋刻東都事略一百三十卷
吳郡志五十卷尤為至寶即訂定春夏之交為到滬之期

十四日鈔洽園詩卷十三畢共十六葉

十五日作七律一首

十六日寄金緝甫茂才一函緝甫舊為香生太守傭書鐵華館影宋本皆出其手今三十年矣聞其改習堪輿術延至徽廬相度

十八日得叔彥函和詩四章選庵一章皆疊尖字韵又七律一首叔彥為民國都督趙秉鈞死恭讀 皇上優卹之 詔感歎而作也

二十日作七律四首叔彥原作四首選庵一首均照錄

附叔彥原作

妙道神機透筆尖納庚震象月纖纖花含曉露紅侵硯草著春風青入簾一代經師仰高蜜雙聲字母問華嚴子康氣節

東京冠貞利亨龍待出潛

豈是奇峯削更尖襟懷光霽絕塵纖雲霞湧現題詩壁風雨
深垂講易簾孔思周情施教切賈精鄭博守師嚴得民以道
天衷誘經略草廬莫久潛

榆錢圓好柳條尖造化神功至悉纖真趣妙如鴻戲海閒吟
惟有烏窺簾蘇鄰舊事悲今昔康節淵懷證老嚴芳草一廬
琴一曲盡然書味與天潛

卷施我已拔心尖莫辨與新況識纖不是執經隨講席祇堪
習靜下空簾文章日月光希附名分春秋守共嚴太史莊騷
多感慨何如澹定學陶潛

又附還庵和作

笑將險韻闢丈夫四海塵昏不受纖細和新詩開古硯閒留

香篆下重簾翠微詞客吳歌雅紅豆經師漢律嚴庭畔玉蘭
花落盡一池春水樂魚潛

廿二日旭初古惟同見台正月即面訂自客秋海上歸後未嘗
出門一步今日為兩公盛意不能卻過午力疾赴約集於古
惟別墅其地分吳氏兩壘軒之一角有園亭池石之勝既至
芸業已先在座其餘為嘯巖沈退庵惲李文汪甘卿共六客
主人忽鼎足而為三後增一人則錢伯英太守也從古惟處
見元刻中州集藝風藏本僅樂府一冊除目錄外皆鈔配亦
從元刻影寫密行細字精妙不減毛鈔也目錄前大字一行
曰翰苑英華中州集面葉中州集上欄外橫列廣勤書堂四
字左右隔單線各題六字如聯額元樂中所稀見尚有樂府
單刻嘉靖本亦佳芸業言新得恩幸家山記乾隆中范瑤撰

記 高宗純皇帝南巡臨幸天平范墳事已付高平後
裔藏於祠廟矣

廿三日鈔洽園詩卷十四畢共十九葉

廿五日作七律兩首酬還

廿七日寄叔彥一函贈還庵七律二首午後復書來亦以兩律
見貺但非原韻聞其昆仲依上下平三十韵日課一詩此兩
首東冬韻當足終而復始矣又言即日赴滬晤梁節庵前輩
廿八日平原相國自青島省墓午後惠然先施年七十四矣精
神矍鑠鬚髮雖蒼尚不至皓如霜雪談滄桑事親貴非重昏
即老詩 隆裕皇太后奉安慶師父子四人皆在津門無一
生者可為太息亦可流涕

廿九日午後答平原相國今日游支那未見訪芸棠踐昨約並

見旭初觀察古惟前輩主人出醇醪共酌又出罍度禮書楊
雄蜀都賦見示紙色黝然尚是國初拓本又出示攝影名
人小象金石拓片山水花鳥畫幅共二百餘通內有梁大同
三年陳慶之造長干寺舍利塔下左角已缺舍下口字不完
妄人題為舍利塔甚可笑携歸攷釋又乞得歸玄恭張蒼水
畫象各一通描架有其詩文集可裝於卷首錢以寶一通則
平時所辦香也

三十日先塋松楸樵采不禁我安允轉達縣大夫查辦雖非所
願為邱墓計權其輕重亦未可棄如甌脫午後草創一呈稿
以晚香堂立名自國變後謝絕人事焉知公憤體式即作
一函送西鄰討論潤色之鈔洽園詩卷十五畢共二十葉

三月

初二日兒婦有中表陳氏姊歸南園龔氏今日往迎來舍

初五日飯後叔彥來長談至暮在海上見節庵子培歸未久復以七律兩首見貽用江文韵合前東冬兩首共七律四首一日一詩一韵信而有徵矣

初九日寫洽園詩卷十六畢共二十一葉芸葉兩冊盡於此再檢叔重所假全部始知共有詩二十六卷續稿一卷詩餘三卷亦有補遺所鈔自卷六至十六僅有十二卷尚未及半數卒業之無期悔操觚之率爾

十五日旁晚赴旭初齊公錢平原見小劉師老態亦復瞤然矣四賓雲食以感冒未來古惟既改賓為主又以頭風但請平原診未入座賓主共十人兩席相連中有西坐大烹特設小烹分獻水陸紛陳既藉且饌歸後聞此夕之譙至五十金首

陽之下微微是甘私心竊以為太侈

十六日寫洽園詩卷十七畢共十八葉 劉姬來歸十年矣生出本末秘不宣但話家常喜述唐山農事早知其為唐山人矣今晚猝語之果听然而笑唐山夫人在漢初即有樂府流傳此非五柳也何諱之有

二十日今晨起又委頓極偶一伏案如端鏡而聽古樂恬然欲睡精骨衰竭何能作客又何以應適園之聘即作一玉告藝風附去蘇石目一紙皆篋中所有可補雲自在盒之闕者共經幢六通墓石三通得星臺一紙為伯南遞至懷古堂詩選兩冊

廿一日寫洽園詩卷十八訖共二十葉

廿三日仲衡易簪將一月作一聯就之一雲雁行分飛電俄傳

海上歸期嗟已晚
四句蟬蛻去搏風未騁消陽群從有同悲
廿六日得藝風書索觀蘇石拓本如孟鄭公幢江陰夏閏枝太
守藏石即其婦家角直保聖寺幢靈巖米書朱樂圖墓表市
上尋常可得何為大藏家皆未見不可解也寫洽園詩卷十
九訖葉數適如其卷數

四月

初六日寫洽園詩卷廿一訖計十九葉

初九日又得還庵一紙七律兩首仍同次纖韻其一首無題以
寄美人香草之思叔房原韵本難擅前唱和諸詩皆侃侃談
時變又作學道人語所以棘手今效韓冬郎則左右逢源矣
秦右麟訖來今年二月廿六日及年六十八長余兩歲此總
角交也不可以不弔

十一日作石麟輓聯雙鳧江上歸耕早帽黎牀老去共懷遺世
恨三鳳里中奮起青銓芸葉兒時憶聽詩書聲悼字曰峴首
去思

十六日寫洽園詩卷二十三畢十有七葉

廿六日寫洽園詩二十四訖共十八葉

廿八日清晨即起來裝日加已坐藤輪出齊文門行李簡之又
簡尚有兩肩登程時有微雨在車站稍候午後一點鐘寓車
到即開駛坐二等客位附車者頗濟濟釵弁雜廁奇妝冶妝
髻頭缺古始知已淪傑休之域四鐘又適逢疏雨灑塵車即
霽即在車仍至順興里舊廬見伯英以樓上西首一間留下
榻即舊春廬也

廿九日訪藝風携經幢拓本七通并關一已付之皆蘇石也藝

風堂集正在裝訂即索贈一部共正集八卷續集八卷藏書
記亦正續各八卷與商壓錢知清河非可以微語者披誠款
以告之

三十日午後藝風積餘聯鯨過訪知清河客館尚在藝風所居
之北名美華里上下兩樓四楹以其地政之地僻而民畧未
必有精舍敬謝不敏矣又聞秣陵蔣氏子年僅二十餘歲有
志古學輯刻其鄉先賢遺著夢華前輩為主持其事設局於
滄之崑山路延訪雋流以任讐校此誠今之佳子弟非凡猥
可及

五月

初一日至有正書局街平購醴泉銘石印本一冊題曰唐搨實
則北宋拓或庶幾耳宏明集四冊高僧傳初集四冊池州楊

仁山居士以宋高僧傳有唐五代人明高僧傳有宋元人名實不相副特於高僧傳加初集二字而以續高僧傳為二集宋明兩傳為三四集可云師心妄作但校勘尚精耳

初四日舊藏碑版八千通與其身後散為雲煙世非無藏石家不如歸之可使續命聞吳石潛已自西泠回午後遣使招之來託覓主稍談而去

初五日朔日為 光慈諱日不能不歸午刻襖被至車站附特別快車直達蘇垣齊女門外其行如飛頃刻即至雇藤轎一來進城到家尚未至四鐘也

初七日治園詩第二十五卷帶港傳錄未竣今日補完共十七葉

十二日寫治園詩四葉第二十六卷畢共十八葉全稿止於此

接續續稿尚有前五卷待補鈔

十六日寓洽園續稿竣共十四葉跋一頁旭初郵來一函問長子庶出次子適出先故今父歿應否以次子之子承重又問里中某公以胞兄之子為嗣已生孫後庶出一子今某公歿應否以嗣子之子承重

十八日復旭初一函答禮問據吾學錄適次之子嗣子之子皆宜承重自國變後殿門謝客不與當途通一介今日韓省長紫石忽自甯垣以書來言此間可圖將設為省立圖書館聘任鄙人為館長聞命慙汗哀病餘生精骨銷竭守先待後匪所敢承非高介石之貞但以朽木自廢大雅闕達世不乏人幸別訂高賢也

二十日寓洽園詩卷五共十四葉

廿三日寫洽園詩卷四訖共十四葉

廿四日沈子良廣文來銅井歿後曾於濱川一見知其為寧垣
來也謝未見客去有愠色留江南圖書館善本書目一冊約
明日來以必見為度其來意果不出所料

廿五日午後子良如約來知安陽勸駕出於徐受之蔣煥庭兩
君之饒舌叔彥已先辭矣

廿六日得子良函又寄至閱覽室書目八冊江南圖書館書籍
皆丁氏嘉惠堂舊藏抗風為端忠愍公載歸金陵前一冊為
珍藏本皆舊刻舊鈔即丁氏善本書室目而改一題卷此八
冊聽人借觀皆尋常刻然元明集部浩如煙海為世所稀見
者亦不少子良擔任傳錄館中設有鈔胥寓資暨飯食油燭
每千字洋一角八分如自備紙可稍撙節即從郵遞復一紙

請先詣直

廿七日寓洽園詩卷三訖共十四葉越寓首卷退卷二在後
廿八日子美表弟來顧鶴逸之塔也為其泰山作介請互觀兩
家藏貼敝篋雖有叢殘苦無精本自櫺無識何敢與泱泱大
風敦槃相見邪去後又聞雲金至滄桑後尚未見何可解即
出迎客携震澤王氏刺史記首冊相質云是蔣子良侍御家
舊藏後人出以療飢或言携至海上可得雙柏未敢附和又
略述黔寧宦跡匪變云貴州獨立僅一人按劍而起而沉鷺
滄海適矣可為長太息

閏月

初一日寓洽園詩首卷至第十四葉適終簡振聲自長安歸共
置絲六包據云其地屬海甯州離硤石亦四五十里絲市甚

或積寇未變之先可與南潯埒今市面雖稍衰尚有絲行十餘家縑車出貿商船販運遠近雲集迥在閭門之上其價每百兩平秤四十二三元亦視此間為賤閭市已漲至五十二元矣但所產宜於短貨如紡綢熟羅縐紗之類其大宗則銷海舶獨不宜摹本緞蘇莊以其價賤亦往收擇其條肥而質韌者終不逮山絲也

初四日得穎芝一函寄贈儀宋堂集二冊吳清如先生撰先生名嘉淦道光戊戌進士曾充四川副考官於穎芝為族曾祖初六日寫洽園詩卷二畢共十六葉又接寓序兩葉謝鑑山先生作其受知師也

初七日寫洽園詩序目畢計六葉全集二十六卷不下四百餘葉自去臘經始半年之久始一律告厥詩餘三卷尚待補鈔

初九日芝巖太史集詞勝於詩彙長取短非知言也今日復取其詩餘錄之得三葉

十四日洽園詩餘第一卷寫畢長調少短調少原稿二十葉減為十八葉

十八日芝巖詞卷二邊錄畢共十五葉

廿三日洽園詞卷三畢詩廿六續集一計為卷都三十全書竟完不缺溯經始六閱月

廿五日以王民齋先生集兩冊付裝洽園集原六冊厚訂并為四冊

三十日扞鄭太守身後遺書出售伯面以其簿錄來稍騎無幾惟於家集如淵雅堂空舟園先後諸刻巨編如姑蘇志小冊至橋梁二波一家言略具搜訪不可為不勤故人已矣雲煙

散落同在旦暮之間何忍顧而問之邪

六月

初一日前年從伯南借楊无補父子詩集二冊置之抽架竟寫
官兩年不可得發憤先鈔洽園詩六巨冊居然報業矣長夏
無事正可以鈔書為日課即以楊集繼之從今午始排日進
錄一二紙

初三日午後伯南來扞鄭遺書其家欲售一萬此真敬希之享
矣書目一冊即面交訖

初五日王恭齋來為沈退庵求題三希呈原圖沈文節公三子
長業齊觀察名守廉今年七十二歲仲曰賓甫名守誠平頭
七十退庵其事名守亦六十八歲矣文節以詞臣出視桂學
行部至梧州歿於赭寇之難遺難成立皆享大年躋撫仕殊

曾三十餘人門楣鼎盛天之報忠不可謂不厚此圖所以志也兄弟三人合攝一影既自題詩又徵題詠復以自臨虞山邵氏五字不損本楔帖及文節家書手蹟五紙見貽並珂羅版客去後寫楊無補詩卷上訖原刻每半葉九行行廿一字今寫本溢出一行行增三字原刻十六葉因此減為十四葉十五日寫楊无補詩下卷畢原稿四十一葉縮為三十六葉續寫黃山游記每葉僅十四行行十六字寫本兩行適得刻本三行一葉不止容兩葉時報載英德亦宣戰青惠已下戒嚴令儒寄諸公昔以為樂土而趨之者今避地惟恐不逮天下何處有桃源哉

十九日寫黃山游記畢原刻二十葉鈔本適得半即續鈔序一葉并首之詞有序有傳有志銘有壽文有象贊

廿一日前日兒婦歸寧今晚還言鼎孚之子婦觸電殞同時南園龔孺人家亦被擊其家妯娌三寡兩竈分炊擊時並未聞巨霆但見竈上紫電一閃竈壁分飛司命神主亦顛出一震之威至此

廿四日寫懷古堂詩序及傳贊諸文畢共十三葉其子明遠先生詩十二卷以次跋錄

廿九日都門來一函其封面書清史館籌辦處內一長箋楷書墨印由趙次山館長具名但署下款用先生執事通稱此普發之例出也其詞云爾其私念茲事體大宜普衆長國基初奠財用未充東帑尙匱雖禮聘所宜有授餐通館慮給令之難周特分設名譽總纂纂修協修三職遙領清銜裒茲盛舉執事宅心正大積學淵閎敬延為本館名譽總纂幸蒙金諾

企拜瑤章噫如鄙人者國以宗墜旦夕入地尚何有名譽之可言敬誦來命不禁泚然汗下矣寓楊明遠詩卷一奉原稿十五葉省二葉共得十三葉

七月

初一日前以拙稿贈沈子良黃鶴一去杳無蹤信今晨忽自可園來一紙亦以二白詞一冊見貽其族祖閩生先生傳桂倚聲也甯垣圖書局傳本一字不提矣奴子至廚下瞥見貓與蛇鬥遙視之白腹背焦墨色倏僵一尺餘俗所謂黑地鞭也撲殺之家人或疑為不祥急知今蛇龍世界與接焉攝皆此族河足異

初三日訪叔彥並見遠庵前輩商卻聘書長談至日暮而歸初五日草履清文館書辭總纂稿附錄如左

次山年老前輩侍右引領崇階風殷仰止恭聞嘉命感荷先
施承示修史界以裏贊之役伏念執事以當代泰斗之望領
袖羣英潤色鴻業虛聲過聽采及蒔菲聞命之餘方以獲侍
大賢為幸惟是昌熾彝管迂疏本無學殖請劉子元之書忱
韓昌黎之說昔日趨走柱下即兢兢以濫竽為懼況自隴畚
引疾馬齒益增老病交攻上喘下泄誠不敢以旦暮待盡之
軀貽誤盛典悽悽愚誠至祈鑒宥曷勝悚感之至專此肅復
敬請勛安惟希垂察不宣年晚生葉昌熾謹啟

初八日錄明遠先生詩卷三訖僅十葉

十三日喬璿同年墓銘東閣半年未屬稿寔寥之期漸逼自量
衰病難以踐諾作一函告辭卿綴事略這錄楊明遠詩第四
卷訖共十五葉

十七日送錄楊明遠詩第五卷畢共十一葉

二十日楊明遠詩第六卷訖共十一葉得其半矣

廿二日泰齋晨來未見留一字附致沈退安觀察正絳雪軒詩稿兩冊其家婦趙孺人所作也求為序老病茶篤梅泉同年墓銘已謝之矣華墨豈敢有歧視幸退老之恕我也

廿四日昨宵暴下雖僅三次如櫻沈疴困頓不可以狀正在偃息之候而客來忽絡繹不絕其先仲午至尚能扶杖力疾出告以病既而叔彥至則不復能倒屣矣留宗室伯義茶酒鬱華閣遺集一冊梁祠圖書館章一冊五約附又梁星漸前輩郭泉開缺謝恩揭稿一首即辭去所留諸冊大約自節庵子寄來惜未能見之也

廿九日仲午先商刺旁嘉藏書記行款仿繡谷亭薰習錄稍變

通之

八月

初一日錄楊明遠詩卷八訖共十二葉明遠詩有云家庭有至樂骨肉無可憎不禁泣然墮涕何我生之不辰也羣居而惟尚不如索處而寂又思為海上之游蘆墟船來告初四日開班可先運家具往午後檢裝書帖一笥皆石印中箱本

初四日楊明遠詩第九卷迄錄訖祇七葉全集中最小之卷初八日錄楊明遠詩第十卷畢共十葉

十一日楊詩卷十一僅七葉又一最小之卷力疾迄寫訖

十五日楊詩迄錄至卷末足為第十二卷全詩告竣又力疾繕錢牧翁顧夢游兩序共三葉僅有目未完耳

十七日楊詩目十葉昨力疾寫至第九葉僅餘一葉薄莫補繕

訖計無補先生詩二卷附黃山游記共七十三葉明遠先生詩十二卷一百四十四葉全書都二百十七葉自六月初起斷兩月而卒業

廿八日寒家自 先祖 父以來累世經商食貧守約潛德未曜小子薄宦二十年依然儒素歸田之後無力建祠但就廳事後樞設一龕以奉先主哀病日增鐘鳴不遠高曾規矩未
有牒記謹就一歲四時十二月六節家祭春秋埽墓條分件
繫勒為一卷以示來者備遺忘願我族人子子孫孫勿替引
之題曰題
錄

九月

初六日即紫東尚書來新自青島避兵歸徒步見訪契闊踟一
紀正渴思一談而莊友辭以病豈老夫之意邪

初九日聞又有黨人潛蹤至蘇在杉清橋設立機關謀於今日
起事為偵探破獲皆韓恢舊部也挖出炸彈及討袁軍旗幟
港上有輪舟分屍業部門有大員氏國所署婪贓槍斃業皆
近日吉祥之事人心毒於豺狼人命賤於狗彘噫嘻

十二日聰聰錄補年事五則又續成十二則題曰一歲之計
十六日自繕聰聰錄畢先墓又增一則共子目四先以十二月
次四時八節次一歲之計次春秋墓祭共二十七業

十八日晨起力疾束裝午餐畢即雇藤輪出齊女門附十二點
又五十五分鍾半坐二等過洋澄湖瞥見湖波作蔚藍色天
無纖雲上下一碧惜飛輪疾駛不能領略景尤負此煙波無
限三點鐘到港即雇黃包車至順興里舊寓

廿四日得星臺函附至桐城張述先祖翼一函張君素未通介

鮑讀拙著語石心折以此函求見而不知鄙人之已到滬也
其詞過於推許愧不敢承又得伯南一函自浦東中校來寄
至利川書室目一通頗可甄擇但多巨編望洋興歎

廿七日讀後漢書至馮異傳亦眉雖降衆寇猶威延岑據藍田
王歆據下邳蓋延據藍屋與芳丹蔣震張郃等各稱將軍擁
兵轉相攻擊按蓋延傳即在其後一卷其初為漁陽郡掾太
守彭寵召署營村行護軍與吳漢同謀歸光武從平河北封
安平侯未嘗在關中為寇又安得有據藍屋之事此當是同
時同姓名否則史駁文

廿八日益庵來携新輯瘦鶴山人詩見質其先德孫公執先生
藏所著也僅有詩十二首不能成帙皆從吳枚庵懷舊集錄
出又從彭秋士集顧醉經吳門耆舊記摭輯同時人往來贈

言裏為此編前有一序亦秋士先生作也知我風赴清史館
擔任儒林文苑兩傳張孟劬亦翩然行矣

光武中興雲臺二十八將吳漢任光朱祐皆南陽宛人也鄧
禹新野岑彭馬成皆棘陽賈復杜茂皆冠軍陳俊西鄂劉隆
安眾侯宗室馬武湖陽亦南陽郡屬馮異父城臧宮鉞期皆
新王霸祭遵皆潁陽傅俊堅鐔皆襄城並潁川郡屬風雲際
會不出兩郡數百里內其餘如耿弇寇恂景丹蓋延王梁皆
從漁陽上谷來李忠萬修邳彤劉植耿純則自信都和成至
地不同矣然非有吳漢為謀主則耿況未必遣其子又非有
任光為太守則郡之僚屬要必不附邳郾也至於李通鄧晨
里閭同居託在肺腑更非攀鱗附翼者可比高祖起於泗上
亭長而蕭曹絳灌皆豐沛間人亦其事也馮林一師言道光

之季有善相者過巢湖之濱告人曰天下其亂矣吾游其野
負薪擔糞皆公侯也李文忠公出而其言遂驗

廿九日沈友卿太史函來為其母七十徵詩南京督辦滿口商
埠籌備處發自言商場非政界唯之與阿相去幾何王培孫
茂才寄貽新刊雲間三子合稿一部三子者陳忠裕子龍及
李實舒章宋徵與張文也王君雋為蕪湖珠書院高材生兄弟
皆能文今在南洋中學充校員介伯南適殷勤以此集為美
雁

十月

初三日得益庵書以李筠嘉慈雲樓藏書目見示鈔本兩冊全
書卷帙甚冗此二冊一為經部易類一為子部小說類叢書
本皆分部為之解題自來著錄家無此體例錄定庵序於首

又有思適翁題詞益庵以其筆法潦草疑為依託細審之碼
為先生筆但不經意耳其言有云不必部部有跋亦不必跋
跋自始至末牘陳衍說可為忠告非先生不能道此

初五日午後有客造門携埃及古文句齋摹刻天發神讖碑拓
本兩通為贄亟覘其刺則張君澍先也即下樓見之談極久
晚餐後至益庵處輪怡亦出共談先示以鈔本朱樂圃集即
鄙人舊有題詞者尚是壬午年筆既而以元傳與礪集四冊
吾吳貝子木咄咄吟一冊見貽傅集十一卷附錄一卷貝詩
上下兩卷朱印白紙皆其新集嘉業堂叢書本又明宗遺老
朱舜水遺書一函十二冊湯藝仙命其女夫馬浮校刊前有
湯序觀其文此老之初心晚節洞然若揭雖同處季朝蜀可
自附於舜水哉

初九日晚餐後餘杭褚禮堂德升介益庵來見頗能談碑版之學益庵携熊風樂府一冊見貽文小園所撰也今復其姓字曰鄭叔同君子不以人廢言以倚聲論國一作家

十一日飯後與伯英閒談見業有排印本小說雜文一冊披而閱之第一篇狼嘍也全書卷帙甚鉅其宗旨可以類推公羊新周王魯之說止於無周無王室若此書充其極必至於人心漸滅流於禽獸之域無人種無國度大地陸沈而後已嗚呼其禍烈矣

十二日劉翰怡刻叢書徵鄙人撰述介益庵屢言之舊麓非無叢殘諱不敢宣但有邠州石室錄尚可寶諸當世益庵薄暮來即付之並告以宗旨略例長談而去讀後漢書至桓譚傳其上疏言時政曰今人殺傷雖已伏法而私結怨讎子孫相

報後忿深前至於滅戶珍業而俗稱其豪健故雖有怯弱猶
勉而行之此為聽人自理而無復法禁也善哉此言漢自孝
武以後朱家郭解之徒號為大俠新莽篡漢綱紀蕩然睚眦
報復吏不能捕至中興猶未盡革良相如趙肅范書趙肅傳
從兄為人所
殺乃扶兵結客往復仇仇家皆病無相距者肅釋之而去顧
謂仇曰爾曹愈速自避也仇皆卧自縛病愈自縛詣肅肅不
與相見後良將如王常王常傳王莽末為
祭遵祭遵傳潁川
克殺之中以其未也既而皆彈為皆以結客復仇著稱當世雖其後
卒為名臣要豈可為訓哉前書公孫宏傳議郭解之罪當大
逆無道遂族解嗟夫中興諸功臣亦幸未遇平津耳雖然郭
解實未嘗族也攷之范書郭伋傳字細侯扶風茂陵人高祖
父解武帝時以任俠聞父楚為蜀郡太守伋自并州牧徵為
太中大夫賜帷帳錢穀輒散與宗親九族無所遺據此則解

不徒有後其後且寢昌而親族亦無恙也馮異說光武曰今
更始諸將縱橫暴虐宜急分遣官屬循行郡縣布惠澤存錄
寡此所謂王者之師知世祖之所以興即知聖公之所以敗
然夷攷其時鄧奉以鄧晨之弟而至於倒戈即由吳漢縱兵
掠其鄉里又攷光武本紀兵初起屠唐子鄉又殺湖陽尉軍
中分財物不均眾恚恨其時更始尚未立光武固身在行間
也任光傳漢兵至宛見光冠服鮮明令解衣將殺而奪之李
忠傳世祖會諸將問所得財物唯忠獨無所掠又鄧暉傳暉
至廬江遇積弩將軍傅俊束徇揚州上為將兵長史俊軍士
發冢陳尸掠奪百姓惴諫俊收傷葬死哭所殘暴由此觀之
所謂紀律者安在豈徒更始與平林新市兵亦何異諱之疏
曰臣伏觀陛下用兵諸所降下既無重賞以相慰誘或至虐

掠奪其財物是以黨輩連結歲月不解其言可謂至剝切鄭
禹諸將方以拯民水火為詞而諱獨頌言無諱宜光武省其
章而不悅也

十三日讀後漢書桓諱馮衍並以高才道與時違侂保不遇范
蔚宗以兩傳相次而繫以贊曰道不相謀侂時同失有旨哉
衍著顯志賦其詞斐然甚美而不登於昭明之選嗟夫敬通
豈第阨於時賢哉身後亦有知希之歎已顯志賦陟九變而
臨幾薛兮草懷注幾薛山名一名嵯嵯我在今三原縣北此說
非也下云瞰太行之巖我兮觀壺口之崢嶸若依賢說既言
幾薛不當更出差我幾薛當是山之最高處即謂九嵯山也
按集韻幾同幾說之尤高也幾幾音轉薛亦同案幾薛即幾
案之變文司馬相如上林賦九嵯幾薛正為疏通所本

十四日出與綬若謀營業甚久吾業江河日下淘汰不逮無法
以補揀之請後漢書馮衍自論不當顧志賦之序也論曰觀
覽乎孔老之論庶幾乎松喬之福賦曰雖塵垢之香異兮配
喬松之妙節前曰松喬後曰喬松自是兩義而章懷注於論
則以松為亦松子喬為周靈王太子晉尋松喬與孔老對文
其言當不誤於賦但模稜其詞曰超然高邁配松喬之妙節
未有確註然玩注意既倒其文作松喬則猶沿前說矣不知
此喬字謂喬木詩云山有喬松是其義也松柏之節貫四時
而不彫故云妙節又按賦云欽子高於中野兮過伯成而定
應東觀漢記嫌伯成子高為一人不合分配兩句高字別作
喬亦謂仙人王子喬也若依此本則子高已見於前篇末更
不當重出

十六日讀後漢書靈帝紀中平三年春二月江夏兵趙慈反殺
南陽太守秦頴六月荊州刺史王敏討趙慈斬之按羊續傳
續為廬江太守中平三年趙慈反殺南陽太守秦頴攻沒六
縣拜續為南陽太守適發兵與荊州刺史王敏共擊慈斬之
獲首五千餘級餘賊並詣續降宥其枝附據傳續自廬江移
守南陽為討慈也及賊既平班宣政令候民病利百姓歡服
自禽渠以逮受降又善其後續皆始終其事此役自當以南
陽為主荆雖州將論功不應先郡王敏無傳附見續傳足矣
本紀當書羊續也蔚宗史法似未允

十七日讀後漢書樊宏傳宏子儵諫約有父風弟鮪為子賞求
楚王英女敬鄉公主儵聞而止之曰建武時吾家一宗五侯
貴寵過盛即為禍患爾一子奈何棄之於楚乎五侯據章懷

注宏封長羅侯弟丹封陽侯兄子尋立鄉侯族兄忠更父侯
宏又封壽張侯也按宏傳先封長羅建武十五年定封壽張
侯長羅壽張一人所封特先後之間耳不得析為兩侯宏傳
又云帝悼宏不已復封宏少子茂為平望侯計其時亦在建
武中建武二十七年卒此一侯當指平望侯為是

十九日讀後漢書馮衍傳封楊邑鄉侯元和二年卒子柱嗣尚
顯宗女獲嘉長公主柱卒子定嗣定弟石襲母公主封獲嘉
侯拜子世黃門侍郎弟二人皆郎中石卒子代嗣代卒弟承
嗣按代即世也唐史官避太宗諱改前兩世字改之未盡

廿一日讀後漢書至張霸傳霸子楷楷子陵陵弟玄字處虛司
空張溫屢辟不能致中平二年溫出征涼州賊邊章等玄自
田廬被褐帶索要說溫誅中官解天下之倒懸溫聞大震不

能對按范升傳王莽大司空王邑辟升議曹史升奏記邑其
末云升有一言可以解天下倒懸免元元之厄不可書傳願
蒙引見杜陳所懷邑雖然其言竟不用升之言終秘不傳此
亦張玄之類耳轉禍為福因敗為功亦即鮑永之所以告廉
丹可推而知也廉丹尚不能用何論王邑又按靈帝紀中平
二年秋八月以司空張溫為車騎將軍討北宮伯玉冬十一
月破北宮伯玉於美陽此傳作邊章不同再以本紀前一年
攷之冬十一月書溫中義從胡北宮伯玉與光零見叛以金
城人邊章韓遂為軍帥蓋三人同叛邊章韓遂其後寢威各
樹一幟而其始固從伯玉起也史紀傳非有牴牾
廿二日蓋庵來告邠州石室錄將寄鄂付陶子麟此善之善者
也

三十日孟庵偕楊子勤同年來子勤國變時守江寧郡行逃在
港官囊如沈為翰怡校刻叢書藉資餬口可敬也

十一月

初八日讀後漢書王鍾離意傳會稽大疫意獨身自隱親經給
醫藥章懷注隱親謂親自隱恤之傳又云顯宗性褊察好以
耳目隱發為明注隱猶私也兩隱字望文生訓未為確證案
隱當為占度之義釋言隱占也郭注釋為隱度邢疏中之云
占者視兆以知吉凶必先隱度此言隱親者謂親度其疫之
重輕而恤之也隱於者揣度而發其奸也此傳前一篇第五
倫曹孫種傳隱其智力顧其權略安帝紀隱視幽心義並同
范書往往用此字猶禮少儀所謂隱情以廣也章懷注獨於
安紀隱視釋隱為審審有度義庶幾得之

初九日讀後漢書光武十王傳贊曰中山臨淮無聞天喪章懷

注二王早終名聞未著安本傳臨淮懷公衡未及進爵為王

而薨誠哉其早終矣至中山簡王焉建武十五年封左馮翊

公光武諸子同時封十七年進爵為王三十年徙中山立五

十二年至永元二年始薨光武十子惟濟南安王康立五十

九年此外事大年無踰中山者贊與傳不相應注又從而為

之詞如唐人之作義疏但隨注義雷同行說中山一傳近在

眉睫茫乎若迷是可異已又案東平王蒼傳肅宗建初三年

饗衛士於南宮閭陰太后舊時器服愴然動容命留五時衣

及常所御衣合五十篋餘悉分布諸王主章懷注五時衣謂

春青夏朱季夏黃秋白冬黑吳俗嫁娶先期為新婦製禮服

五件行納幣禮謂之五時衣音諱亦曰五事衣今觀此傳始

知鄉曲稱名尚沿漢舊遠有所本但不以五色為別童年見士大夫家下逮市井中人之屋無不以此為僂皮之敬今則短衣窄袖胡服招搖書大傳所謂服妖詩所謂彼其之子不稱其服者也臺笠編屨能無舊京之思哉

初十日劉姬約今日來仲侯同行到時已八點半鐘仲侯下車後略坐即去

十一日劉憲石京卿來求撰所輯資池金石記序允之

十六日讀後漢書至朱暉何敞樂恢傳論曰竇氏憑威戚之權將有呂霍之變幸樂何之徒抗議枉下章懷注枉下史冠法冠樂恢為司隸彈劾糾察之官也按恢本傳徵拜議郎入為尚書僕射是時河南尹王調洛陽令李阜與竇憲善縱舍自由恢劾奏調阜並及司隸校尉無所回避是恢本嘗為司隸

司隸校尉恢所劾奏之官非恢官也所以並劾司隸者調革
為其所屬以其容隱不舉奏也尚書僕射典掇機密與史官
同在清切之地亦得謂之柱下注疑誤又按暉傳暉子頤頤
子掾字公叔感時澆薄著崇厚論有云昔在仲尼不失黨於
原壤楚嚴不忍章於絕纓其下歷引老氏之經暨文淵成子
書耶吉張子孺韓安國翟方進諸人而於韓校無述焉此傳
十三校傳即在下四十五卷至下總結上文乃云美韓校之抗正此句前
無所承突如其來竊疑上韓翟之下有脫文傳上云四校以
金淳子以貴勢引方進之言否則范蔚宗有刪略而不知其
韓翟名軍又況其下者乎不可刪也注於上而張韓翟皆詳述其事而於下二宰失度
二軍即謂韓翟而張宏裕下更不贅一詞獨韓校別出注云事見校
傳是章懷所見本前已無韓校非古本有而今本闕也

十九日得執風老人一紙前函從假大佛寺題名拓本即隴上
歸輅所贈也今函言但有隴刻此石在陝之邠州未著錄不
知執風堂碑目詳載無遺無可諱也讀後漢書至袁安傳子
京京子彭閔字夏甫彭之孫也閔弟忠字正甫初平中為沛
相章懷注沛王琮相也琮光武八代孫按光武十王傳沛獻
王輔薨子釐王定嗣定子節王正正子孝王廣廣子幽王崇
崇立二十年薨子孝王琮嗣自輔至琮祇有六世注云八代
孫未碼八字六字形相近或傳刻之譌

二十日讀後漢書袁安傳又云竇憲弟衛尉篤執金吾景各守
威權有司畏憚莫敢言者安劾奏司隸校尉河南尹何附責
成無盡節之義章懷注云司隸鄭據河南尹蔡嵩鄭蔡皆無
傳然攷張酺傳和帝初遷魏郡太守郡人鄭據時為司隸校

尉奏免執金吾實景景後復位遣掾夏猛私謝脯曰鄭據小人為所侵冤聞其兒為吏放縱取是曹子一人足以警百脯大怒即收猛繫獄云云是鄭據為司隸尚書職非河附實氏者卽公之言責備賢者以激厲其餘非竟視為王龍尚書左

記上牛酒於徐

詩實氏

客大尉

之流也

憲見解後傳

徐詩實氏

客大尉

之流也

憲見解後傳

徐詩實氏

廿一日讀後漢書朱暉傳元和中殺貴縣官經用不足尚書張林言殺所以貴由錢賤可盡封錢一取布帛為租以通天下之用又鹽食之急者官可自鬻又宜用交趾並州上計吏往來市珍寶收采其利武帝時所謂均輸也詔諸尚書通議暉奏林言不可施行事遂寢按張林初為真定令侍中竇憲薦為尚書見陳寵傳寵對肅宗言林雖有才能素行貪濁憲以此深恨寵林卒以臧污抵罪據此則林黨於竇氏本非端士

所言皆放利而行傳所謂衆欲之臣又一宗孔也陳寵之言可與朱暉互證

廿二日得金緝甫茂才一函為寒舍諏吉明年三月三日丁丑巳時樓下北軒換柱廚院疏濬溝道迎正南喜神方破土是日吉曜天月德合四相益後忌早未丁未生人適讀後漢書郭躬傳司徒河南吳雄家貧喪母營人所不寔土葬事趣辦不問時日醫巫皆言當族滅而雄子祈孫恭為法名家三世仕主延肅宗時司隸下邳趙興亦不卹諱忌每入官舍繕治穿築故犯故禁而家人爵祿益用豐熾時人罔忌禁者皆談為證焉鄙人亦不談術數度隴視學卽以五月朔受蒙松錫侯制帥時兼學政力阻不從至先一日於四月晦送印然輟軒五載平安無恙而歸可見形家言不足泥今所以猶命屠尸者

婦女不可以理喻休咎難知非此無以息其喙也

廿六日心葵來談携方綫之小影求題其後妻父也

廿七日薄暮得淮海書招翊日一枝香大餐並屬携劉姬同車
往其如夫人早屈鸞輶以待老夫老矣無此纏綿情緒即復
一區但允自赴約而為劉姬謝沈幼卿太史為其母楊太君
七十徵詩病兩月末報命今晚燈下拈二律

廿八日淮海又遣使來傳如夫人之命劉姬不往自以車來同
載勢不能再卻日莫同往客坐聯牆各占一室同坐惟有印
若女室則賓主二人而已

十二月

初一日獲村益庵偕來言楊悞吾致於京邸項城有令賜卹贈
少卿銜樊山亦毅然入部供職兼參議顧問兩官又兼清史

館其婦尼之絕裾而行寢叟欲填鴈撫天一閱胡之但得首
句云從此蕭郎是路人兩公皆郢人也

初二日翰怡伴來賁贈新刻求恕齋叢書三冊計葉天寥年譜
一卷續一卷別記一卷甲行日注八卷題華桐流衲木拂纂
皆朱印又嘉業堂叢書五冊皆年譜李申耆一徐鑑莊二翟
木夫三查初白四最後言舊錄張月霄自叙其生平亦年譜
也又同年楊子勤太守雪橋詩話十二卷一卷為一冊蕢風
子培益庵皆有序亦翰怡為之付梓

初七日益庵為翰怡致學設近局見招並約子培同叙良所願
見即允之作七律兩首和淮海韻客去後始脫稿

初八日昨日聞伯南言鈍齋尚書已自青島歸午後訪之於科
橋寓次談稍久方緩之煦無可着筆姑拈三體詩以應命

十一日得佩鶴一函附和詩兩律皆言情之什可入本事詩此老婆婆興復不淺即鄙人亦未能免俗又自作一章

附淮海和作

文摹漢魏子周秦鏤鑿詩壇更純塵昔記花開遊社曲今隨梗泛聚淞濱綠窗舊伴聯知己誦兩家黃絹新輝輝受車風

雅年來漸銷歌要憑絲筆挽陽春

往事何煩論遇秦浮溫嬾問海揚塵歸帆有夢值胥口襖社重游振洛濱酣飲旗亭憐落拓衝寒波路感貧辛用紀明達詩中語

此行使擬臨夷舸足徵鶯花海國春

十二日仲午函來言有胡永昌到蘇陸門未見留刺自署奏齊憶是琉璃殿含英閣主胡子英自言即日附火車到滬詢數寓踪跡甚詳別二十餘年矣金石書畫頗可談園顧見但尚

未患然來耳劉翰怡招晚酌同生有執鳳梓勵益庵章一山
褚禮堂共五客主人出奇編共賞見南宋本班范兩書惟前
書鈔配二冊後書完全不缺疏行大字雕印甚精目錄後有
墨圖記云甲申歲刻於白鷺洲書院時有項子長藏印本
朝自教芸書舍有汪士鍾汪振
顥吳承三印歸於郭筠仙侍郎翰怡專人
輦金至長沙載歸真驚人秘笈也又見蜀大字史記宋書尚
有三圖志通鑑紀事本末皆自西蠡家散出此四書計值二
千元歸後挑鐙作七律兩首

十三日歲暮云暮歸有日矣佩鶴薄英自臨話別又袖兩詩見
貽其一和臘八粥共一言情之什為閨中作也並附錄於後
緣聚同年患臘八粥賦此末謝四疊前韵

潛罷三吳羅乞黍蕭條旅舍數生塵為梅故事嘉平節來慰

調飢寂寞濱菰米生涯炊飯千秋花吉語佐盤辛 帝京景
物都非舊燕九天涯說戲春

前荷賜什有白頭各有司香侶姊妹花開一室春之語西荒
麗句白傳閒情戲演一律三疊前韻

椒房雲幕號兼秦羞附香車逐路塵鴻業倘分鄰庶下鵲夷
或泛五湖濱袂聯桃李歌憐子盤供椒花抵薦辛別啟銷寒
詩社例銀屏不隔兩家春

十六日挈劉姬母女附午車回蘇

十八日作七律一首

十九日仲午來談甚久攜張文襄墓銘拓本見貽撰書皆出陳
伯潛侍郎旁喜藏書記丹鉛尚未畢雙歸之候新香復動
二十日作七律二首

廿一日耿伯齊農部自雲間來都門老弟子也空谷之中楚然足音豈不願見而為時過早天寒尚卧病榻留一刺而去其上有攝影小象下自題五言古詩一首其發端云我年五十時疾病損一目今年屆六十又損我右足此詩作于去歲今六十一矣及我門者已衰病至斯忝願舉此者更何如

廿三日午後王君九自津門來長談至暮其在資政院曹力阻改易國體不可得遂棄官而去躬耕自給萬隱為有子矣臨別出萬隱遺文兩冊請校閱並知亡兒錄出之清稿尚未使悲慰文集

廿五日得君九一函附至武之津門函為舊友吳印臣孝廉通一簡致飢渴之忱寄贈家刻精本繡谷亭集習錄一部寶書閣著錄湖州丁白藏書目也清吟閣書目不題藏家姓氏合

一冊元西湖書院書目南雍志經籍攷內板經書記略從劉
若愚酌中志錄出共三種合一冊影明正德仿宋本花間集
十卷影日本仿元本中州樂府一卷皆未裝訂寒山三種一
冊趙凡夫傳寒山自叙寒山行實也印臣文社訂交同受知
於醴陵黃子壽師通籍以後天各一方不見幾三十年縞紵
遠來精製悅目發玉展對不勝鸚鵡鳴如晦之思

廿六日作七律一首

廿八日益庵前以先德公執先生名狀詩鈔輯本就正僅十一
首檢吳枚庵懷舊集又得十一首同時人詩文集投贈之什
當尚有遺珠可采但伐山剖海浩無津涯歲暮天寒敬謝不
敏

乙卯正月

元旦行年六十七矣離羣索處哀病侵尋悄悄昏譊覺覺靡時

表闕土室每達佳節但有思親之淚 神坐 祖堂晨起拈

香供粉圓于朝暮行禮

初三日得淮海函報詩兩律歲朝一首又和芸巢一首並用去

年泰字韻錄三首於後

緣製同年郵詩寄懷中述春明舊事惘然有感賦此寄答五

壹前韻

漫言城闕輔三秦回首長安夢似塵瘴雨腥風滄海劫新蒲

細柳曲江蒲空傳嚴勝錫剛卯今有雙龍寶星單鶴金章忍

問祈年並上辛問舊年荷壇今已多少京華冠蓋客江南度

信獨傷春

奉答寄懷之作七壹前韻 寄芸巢詩為六壹韻末錄

關隴西行地入秦訪碑錄裏誌前塵況從教授河汾後自輯
叢書笠澤濱鄉望久欽高雲鄭詞宗吳讓稼軒辛君詩有迤
來詞客數

姜半君詩即是編年史正月惟應首冠春
乙卯歲朝試筆

子建周正亥建秦朝元那復夢京塵高翔成鳳皆天際狎處

閒鷗尚海濱一集義熙編甲子兩番滬漬識庚辛咸豐庚中
辛酉在滬

度咸今自宣統辛亥來止
滬漬後亦四更歲殆矣尋芳有客忙探杏陽歷已作二何
月十四日

似梅花賦早春

初四日君九農來攜其先人遺稿兩冊商榷刻例

初六日作七律三首

初七日曹仁卿來為鄧建東縣尹求題畫照鳳石蔚若諸公詩

粲然盈幅矣

初八日得叔彥書五律一首為來章先約朔日惠顧草堂

附錄叔彥詩

杖履先春到傳聞喜欲狂
年年思捧手萬緒總迴腸
魑魅憂人少義和亂日常
天心終有屬咫尺望嚴光

初九日昨午閱高隱遺稿分詩文碑跋羣書題跋四類編次尚有條例隨筆君九一函贈以藏書紀事詩六冊詩契齋集一冊唐李太賓造象宋吳公保蜀碑各一通甫封完而君九偕其堂弟文周名季尚守之子也已踵門矣携其先世王文恪公墨迹長卷又楊夫先生遺札十餘通裝一冊皆與其族人者甚精舊為扞鄭所藏今欲歸假卿廉訪以同族難於索價請作張悌璫書估者以可賻百金少則百元亦不為菲叔彥日晡始來携宣紙兩聯自撰楹帖求書又為王晚籟轉求赤頁據云

滬商之好行其德者觀人必於其友欣然允之又以新婚禮
成七律八首見示據云芸葉雲金諸君子皆有和作亦難於
藏拙也因生長談至莫與君九昆仲先後去

初十日作五律二首

十四日得佩鶴一函七律三首再接再屬老驥伏櫪壯心未已
敢拜下風矣昨宵枕上作古詩一首未成今日推敲至莫始
定稿

附錄淮海詩二首人日一首未錄

和新春感事十疊前韻

臨海何心肖帝秦九州猶未靖煙塵飛車有路通達左浮磬
無聲聞泗濱同城一家併胡越壽達幾輩重蘇平漢書趙充國傳贊蘇
平父子著節捐蘇建蘇蠻煙蠻雨連天暗未礙東里令布春
武平武賢平慶忌也

緣製同年將蒞滬上詩以達之十一疊前韻

消城不唱遠遊秦望氣先迎驛路塵便擬輕舟來剡曲好營

別墅住溪濱詩篇酬贈懷丁卯雅識編題補癸卯

早里皆就所莫訝安車輕就道隨身杖履健行春

許洋丁卯
梅周雲癸

十五日枕上作七律二首

十七日得叔彥一函附詩簡萬壽祝報一首送從兄夔一位

山東一首又見贈四首皆依前韻目疲於覽手疲於答幾如

小陰道上應接不暇作七律一首

十八日作七律一首

二十日作五律二首即繕一函寄叔彥

附錄原作四首

滄海橫流亟觀瀾孰挽狂斯文義偽體正氣鬱剛腸聖口惟

賢譯臣心得主常富春雲氣壽瑤草擷金光
雷已驚龍勢風還似虎狂不教承辟咎何以解愁腸色辨風
雲變經傳天地常南城窺石室萬丈德星光

黑白今顛倒羣呼聖作狂有心隨驥尾失足戒羊腸史紀卷
王始詩陳時夏常秉經正名分古鑑炳臣光

五行交沴久徵咎僭兼狂公有真丹藥能醫別肺腸投書同
子賤銜玉節元常坐我春風裏披懷霽月光

廿二日正月十三日 皇上初旬萬壽叔彥有詩祝 擬謹
次其韻作五律一首

附錄原作

魯陽旋日馭楚客問非狂極望三霄目迴思九曲腸待清餘
國老純擬祝天常香案聯班秩詩應集近光

廿三日寄叔彥一函並以祝嘏詩就正又作五律一首

廿五日作長歌一首題鄒建東小象

廿六日午後繕題畫詩正在展卷而仲午來略周旋再抽管神思即不屬大小疏密甚不勻又譌一字脫二句誤筆尚可成蠅脫句雖非疣贅亦可省去之頗不似橫風吹斷將錯就錯以歸之精力衰落至此尚何言哉得叔彥一函寄和兩章祝嘏一章亦有繼聲又觀落梅有感一章一和再和神勇不減於淮海敬謝降旗不敢再犯廟行矣

廿八日叔彥暮來携一扇兩錢為智涵求書又為遂翰促和自壽詩其昆季劉邕之癖殆有同嗜和落梅二首適稿成知其欲先睹也即為馮几而誦之

附原作

為怕梅花落天教風息狂蜂攢憐瘦骨蝶戀轉柔腸
同御華松春有常早開香世界萬卉仰餘光

廿九日得叔彥一函又寄至梅花詩二首一和前作一因去歲
奇寒枝頭不放感賦還翰亦和落梅一首

附錄叔彥詩二首

緣袞先生見和落梅詩仍次前韻

新芽花後茁澹靜息蜂狂結實能留種飄英莫斷腸
不老一度歲為常瓊玉高寒格終爭雪月光

去歲奇寒梅蕊枝頭不放感賦次前韻

凝冰將裂地鐵幹怯寒狂想像春風面纏綿舊雨腸凍梨
色變苦竹抱心常留得靈根在欣榮待日光

三十日以叔彥一函付郵和落梅兩首仍錄呈得佩鶴海上書

又寄至新詩七首皆疊前韻撫今懷舊一往情深覺韻鉤心
關角無窮出清新如積薪然後來居上矣

二月

初一日束裝

初二日乘籃輿出齊女門附牛車過三點鐘始達滬畢到寓

初三日作五律四首仍用前韻至是凡十二疊矣

初五日作七律三首呈佩鶴

附錄淮海原作

緣製同年寄懷詩獎飾溢分自念舊學日荒且行篋無書懶

祭伎倆不可以質大雅也賦此志媿十四疊前韻

十二疊
韻為特

和雅或十三疊韻為
港編述懷皆未錄

六籍灰飛劫換秦駘壤雅拙半成塵文章流別沿江左著述

窮居愧漢濱後漢書荀爽傳隱漢濱讀史傳疑消豕亥時兼

舊曆月學書校誤證羊車免曹車附傳經列師法無忘柱子行斷

春時先受業

於門下

兩月來承賜新詩哀然成快並取篋中舊所寄贈庚子丙午

年諸作彙而編之復綴一律歷叙今昔亦藉以誌我兩人

翰墨緣也十五疊前韻

西巡往事話燕秦荒寺題詩滿壁燈庚子同廣龍王廟趙日

實為唱帖傳重歸吳郡日郵筒幾返瀆川溪丙午假歸君龍

和之始時寓瀆川亦有招邀吟社聯知己閱歷名場共苦辛一樣瓊

瑤新贈什多慙下里和陽春

錄稿既竟復附一律十六疊前韻

邠滕詎敢抗齊秦牛耳騷壇拜後塵酬唱續追臨頓里新詩

傳誦泖湖濱

伯齊農部年二陸草堂
白松即晚書乞君題詞

芸籤插架編分乙齋白

顏籀印借年

君白署作詩之所曰年
白年蘇軒有年字印

著述名山為君壽豈

惟花管播芳春

初七日鈍齋來藏書紀事詩題檢共寓二紙道雋如小唐碑即

受而藏之談甚久

初十日午後至斜橋訪鈍齋出唐搨廟堂碑懷仁聖教序見示

虞碑即臨川李氏所藏者聖教已流出東瀛有宋徽興題字

皆珂羅板神采奕奕並無字處均埴濃澹亦能得其仿佛視

原碑真未達一間又舊拓七姬權厝志與吾蘇重刻本出自

徐子靜所藏者非唯有雅鄭之判字體結構大小肥瘦迥然

不同竟似兩本

十二日作五言古一首為伯齊題二陸草堂正在苦吟而益庵

以刺來約同訪蘆邨前輩詩思不欲為橫風吹斷辭以朔日
十四日午後蓋庵先以使來中前約旋踵至聯鑣至鄧脫路先
訪菰風老人見新得明刻盡言集問其價二十元在此時尚
為廉值稍坐同至蘆邨別墅即在謙吉里東口外其居傳王
聘三方伯也亦欣然出見都門握別一星於吳瘠而繁鬚髮
如我有憔悴風塵之色談別後事至黔驢糜爛喟然太息又
從古惟聞吳經才侍御計

十六日聰生日晤來長談云有李君熙者燕人也舉經濟特科
廷試魁然高列熟於紅樓夢之學謂此書為董小宛而作
並涉及國初宮闈事非臣子所敢言有批注詳言本末別
有提要一卷中華書局已為刊行初訝其說之奇創既而恍
然悟梅村清涼山讚佛詩惘恍迷離莫測其旨新榮遂注可

為詳矣然於此篇本事獨不著一字今按其第一首云王母
携雙成絳節雲中來已暗藏董字末首常以燒葉心了彼清
靜理脫蹤萬來而又與同泰捨身者迴別梅村詩史必不妄
作以此證李君之言殆可信

十七日寄鈍齋一紙前見珂羅諸拓內一本有宋徽興題字憶
為雲間三家之一歸檢王家稿果不謬其兩家則除外子李
舒章也前有一傳即錄一通與之

二十日仲午來函附至會稽顧祿雍信並所著非儒非俠齋詩
稿一冊家刻毛子林風枝閣中金石文字存佚攷十二本顧
君名璽光舊號鼎梅祿雍其改字也素未聞名遑論識面祿
字字書皆不載亦未詳其音義據毛氏金石攷有顧家相序
自述為毛弟子又自言光緒丙子不第科第赴官江右補萍

鄉權廣昌祿履詩自序稱隨宦函中稱毛為太先生又稱顧
漁溪為年丈萍鄉君當是兩子進士以知縣分發江西者祿
履即其子也今在衡輝道尹署編纂河朔古蹟志摭得新出
土石刻六十餘通東魏居其三又得漢劉熊碑陰殘石是亦
好古之士詩筆亦不俗此函因見拙稿語石以贈書為兼雁
並索一部為報

廿四日聰生來談平原相國翊日到滬聰生設宴於惠中旅館
約往陪賓

廿五日至麥家園惠中旅館即平原相國廬室聰生袖交紅樓
索隱提要王夢阮撰梅村清涼山讚佛詩變成一聯之外又
舉可憐千里草萎落無顏色為證此詩實可疑不能謂其穿
鑿也別翰怡來相左自携新刊宋沈與求龜溪集蕭山王南

陔中丞說文段注訂補各四冊見貽開平原談都門事夜板
觸不寐

廿六日過翰怡齋見揚州書估王姓持一殘本類書後有光緒
己丑一跋前有題款皆下走館江夏時所書惘然若夢使非
自認其筆蹟幾疑為嫁名矣書估堅持為宋本實元刻也又
教繼公儀禮集說首二冊前有大德序刻畫清勁原刻可信
或明印耳索五百元殘類書索百元

三月

初一日翰怡函來言前見殘元刻已歸插架其書為新編排韻
增廣氏族大全亦姓解姓纂之類非類書也拙跋一通即承
錄示並催移居

初二日簿莫有客自貴函請見問其姓氏曰許錄琬幼園浙之

平湖人占松江籍僑於滬其婦宋貞字夢仙能詩工畫早逝
以小象遺繪求題展視陳伯嚴鄭蘇龕呂藝庵吾鄉芸巢雲
查皆先有題詞笑而許之又出其遺稿一冊見貽題曰天籟
閣四種實祇有詩十餘首雜文五篇而已嘗遊建報之門門
生門下女門生何竟不知

初四日仲午玉來為費仲深說項仲深又承蔣煥庭之意欲以
第二圖書館相畀作七律四首和再轉自壽詩韻

初五日前以拓本託吳石潛覓售以兩碑目為媒久未見歸據
云在貴池劉氏願以千餅金易之今晚蒼石逕遣人來議值
始知石潛之言為不虛即告以當詣積餘為張懷瓘不可以
面談也復仲午一函辭圖書館不為韓屈而俯首就三徑乎
初六日昨宵卧後慈石伴來今晨又來丁寧拓本無為他人着

先鞭並不欲使積餘知其意不可測又告以我非銜鬻家糧
積而藏久矣物得所歸亦不必求善價歸告主人的尊可也
午前翟良士自孤里到此聞積餘之言而來此屋即其辛亥
遊地所居據云其時賃直僅有強半度日日艱此其一也聰
生牛後來新自寧垣返為蔣煥庭再中國書館之說不願就
請如虞邱之薦賢無已允為商淮海聰生亦自往詢蘧却留
顧南雅通政胥江送別圖一軸屬題錢東塾石橋畫題者徐
直卿題董琴涵陶鳧薌黃堯圃陳仲魚何夢華夏方米皆當
時名士惟徐應階號復堂未詳萊隱丈先有詞一闕為隱亦
有四絕作七律四首和叔彥新婚詩韻

初七日致淮海一函商圖書館事先有復函謝不敏即作一函
告聰生並以原信示之既而兩君雨中不期而集商榷良久

仍不諧蘆邨亦未允

初九日作七律四首和小劉師七十述懷韻詩清寥寥雨窗無
客理頭苦吟先後已得十二律雖未廓清強半畢矣

十一日石潛為薦石商拓本先於晨來未能見即告以至好不
敢論值請作為中郎之贈亦請以二千元療貧所求者通財
之誼非善價也錄下作七絕四首

十三日許幼園求詩至誠不能再拒午後作七絕一首畫幀題
無隙地祇可容二十八字非惜墨也

廿一日聽生來長談至暮携胥江送別圖去第二圖書館事根
生同年已應徵出

廿二日得並庵一函告陶子麟到滬陶為鄂渚手民善仿宋精
妙不弱於東鄰翰怡延之來刊四史史記影蜀大字本兩漢

書白鷺洲書院本三國志宋大字監本先以拙稿邠州石室錄付之為發軔之始原稿已在翰怡處雖不必再加點竄碑文跋尾各自為稿分合之間尚須詳定即復一紙約面談晚餐後造益庵齋商榷刻例翰怡已出留贈新刻周易單疏六冊並將石室錄原稿携歸

廿三日出邠州石室錄重定刻例全書分三卷以序冠首序後目目後游記皆直接而下不分葉石刻即以響榻本上版占半葉者跋語從後半葉起占全葉者下一葉起皆低一格石文外皆宋體字以瘦勁有生趣如仿宋繫精本為合格

廿四日得仲午書問已予藉事實憶定庵集有小傳或是汪容甫述學老而健忘不能詳矣

廿五日翰怡刻四史誠不朽盛業但茲事體大難得良工影寫

校槧收掌無事不需才為籌全局未可以貿然從事也寄詩
益庵聊備舅氏之助

廿八日邵州石室錄板式欲得一書為例午後自携杖訪吳石
潛借三巴晉古志不得編觀插架有新刊摹古樓彝器款識
尚不相徑達長安復古編亦金石范之一但所刻皆金文二
書可擇用其一即借歸三冊又購定括蒼金石志一部適石
潛需拙稿藏書紀事詩予四部語石五部彼此未付價又致
益庵一紙石室錄仍攜歸燈下重定刻削石潛約明年與陶
子麟同來也作七律二首

廿九日石潛與陶子麟如約而至即出拙稿示之並示以長安
復古編板口高下廣狹即據此為度中線但有魚尾無象鼻
魚尾之下第一卷旁書邵一二字二三卷仿此葉數距下橫

線約寸許亦旁注撰人姓名列於目錄之前次行增校訂姓氏為翰怡而設也既商定適益庵函來今晨行矣為翰怡留語拙稿即可付子麟如其言授之而去臨卧翰怡又來一函欲改宋體為活字又欲歸入嘉業堂叢書刻書活體字須略近歐虞或仿趙承旨生動勁拔有碑版氣非下工所能也又當商之于麟矣

三十日陶子麟仍與石潛同來石室錄商定改用活體字

四月

初四日伯南旁午來留文獻通考補殘稿八冊屬題簽嘉善葉潛發道開著伯南據其先人傳述謂是孫梅隱先生所錄然無題跋圖記又不題傳鈔姓氏使非有他本筆跡參驗無以證之通體未墨塗乙亦似手稿而非鈔錄之本也

初五日秦硯詒來為海上羣賢將命聘修縣志前志修於同治間此次續修但依前志門類補輯前志以後事至事在同治前而前志未收者為補遺有路取則為攷證文字之役又承校邨先生之後本不必辭但聘任之書仍自縣大夫出難書非政界耳

初六日作五律四首和芸巢原唱錄後

附原作

故里諸耆宿傾囊葉石林三長才識學一悟去來今風送湖邊舸情移海上琴他年遺老傳或許附同心

舊雨逢淮海交情雨不孤三春江上客九老社中圖文友兼詩敵書癡亦酒徒獨憐經歲病卧看放園蕪

初七日佩鶴補時來出和芸巢詩兩律屬轉交第一首云我愛

鄒夫子名高大雅林其次云遊世曾无悶休嫌吾道孤不謀
而合相視听然以笑然屬稿時各不相知無嫌笙磬之同音
也得顧鼎梅信自濟源途中寄正為玉屋析城之游非惟洞
壑奇勝亦為石刻所聚不禁豔羨

初八日作七絕二首

初十日石潛送至顧鼎梅一函開示新訪得濟源河内汲縣延

津碑目

十一日午刻附滬甯車回蘇三點鐘即抵齊女門坐藤轎歸
十四日聽邠老人自滬寄贈家刻六種稀齡贈言一冊百老吟
一冊續一冊明錢浩川中丞疏草二冊中丞名樞其先德也
勞勞語二冊錢烜仲含著即中丞之子春風草廬遺稿錢世
銘學齋著心白齋賸稿錢學銘二如著皆邠老之世父調甫

中丞昆弟行也合一冊共七冊又乙卯牋玉十六種裝一匣
皆集古碑版埤文乙卯年所作者雙鉤其字而刻之又得芸
巢玉謝贈詩並示近作五言長歌一首客來問病代答自祭文一首
解脫世網不可謂非達觀澆題詞為絕句二首以貽之

十五日得芸巢一紙又寄貽五律二首疊前韻別示游道山曲
一首楹帖兩聯皆解脫之詞亦皆游戲之筆即作一函寄示
佩鶴

十六日慈石自滬來玉寄至孫氏訪碑錄趙續錄共六冊又鐵
如意室目鈔本四冊皆其所藏碑也言編目分六卷全一石
五碑墓志造象經幢題名也即日遣其紀綱與寫官葉樹屏
到此聽候鈔寫鄙人此舉三十年精力所聚棄如敝屣不過
忍痛一割為療貧計豈能為任編纂之役即作一函止其來

作五律二首

十八日得芸巢玉寄贈五言兩首又以贈淮海四律見示皆疊前韻見惠畧書雜記一冊似近時重開本又華嚴行願品石刻一冊後有章藻跋當即藻所書也此石似在開元寺可入百衲帖

十九日作五律四首

廿五日得佩鶴一函寄示和芸巢五律二首又題其自祭文後七絕三首

廿七日惹石前函繳訪碑兩錄並以藏目四冊來云遣寫生到寓聽候指搗知其意在編輯但鄙人為療貧計不得已而辭碑未嘗擔任文字之役今晨果又來快遞一函變售碑之說為編目並要經幢殘稿請為足成怖其言河漢而無極即復

又贈七律四章和與淮海酬答韻

初七日芸巢使來餽杏子一盤碧螺春茗兩瓶知其病之霍然
矣是可喜也

初十日飯後呈臺來為人傳語縣大夫欲先施商修蘇志不佞
大清長洲縣人也今 大清何在縣何在而可為之秉筆乎
敬謝不敏作趙文敏膺巴帝師碑跋

十一日寄芸巢一函以吳公保蜀碑一通贈之又金耳銀耳各
一瓶皆隴軺所餘也還書言病尚未瘳觀其筆跡整齊之中
稍露頹放之態精神誠不如前矣

十七日得李審言一函駢文舊稿一卷求作序云先有譚仲修
馮夢華兩序今予培植風亦允贈言矣然則需鄙人一紙為
諸公作輿臺乎又贈詩兩絕為羔雁顧不俗錄於後

吳閻匹練亘雲天處逸通人繼宋屋昨過春明坊畔宅輕裝
早泛夜航船顧訪淹留未值故云

喜無長柄問胡盧老惜雕蟲付白鬚欲乞范陽張壯武高名
先為序三都常怪張茂先物望在士安右又善文章何不序
三都此缺寄也

二十日跋大安寺鐵香爐款識拓本並校正萃編釋文重錄一
通華都十紙此爐楊吳大和五年造郡亭大王事見高僧傳
王氏所得拓本當極模倣誤釋為却膏六王又未讀慧敏梵
夾宜其無所發明也

廿七日錄鞏昌譙樓鐘款識一通崇寧元年正月上下兩層層
各四面下層又分兩列共五紙摩娑攷釋至五日而畢

廿八日晚夢在如皋賃廬侍先祖母徘徊庭樹下顧瞻月色
皎潔在地此童時樂境豈可復得日既晚忽聞芸葉訃噫公

凡矣然公身死公心不死今一世橫目蚩蚩良心漸滅殆盡
雖謂世人皆死而公不死可也

六月

初一日作翠昌譙樓鐘款識跋

初七日淨業法師塔銘作第二跋

初十日圓嶠楊估昨携來陽山志一冊明岳岱撰索一元其書
分上中下三卷十子目岱世居山中與顧元慶為友前有嘉
靖庚寅自序署鄞郡岳岱迺其郡望也又輯有今雨瑤華元
慶有陽山新錄皆列入文房小說惟此書別行紀錄雖未詳
題模寫山水頗似柳州游記傳本亦稀惜為忽鈔亥豕迷目
皆是寥寥二十餘葉不難卒業自今日始手錄一通灼知其
謬者正之疑者闕之

十一日得顧鼎梅正自衛輝寄貽香泉寺經幢拓本六面刻有經咒而無序年月一行另紙拓極狹云開元十二年十二月十五日比丘僧法明造下有書手字而姓名泐經後附後序述前朝散大夫通事舍人勅攝御史都尉南陽縣開國公南陽張承福字奉禧與百濟僧地獄感應事余藏唐幢至今從無刻後序者不意垂暮之年猶得見所未見始知法海無涯未可以盡測也良友之貺過於百朋矣

十五日陽山志三卷揮汗寫畢共二十葉良齡酷暑百事皆廢但可鈔書惜里中無藏書家可通假令人思居古里

十八日益庵自滬來携邠州石室錄寫樣見示仿金石苑峻峭露骨瘦硬可喜書手饒信芳黃州人也

二十日芸業處又送訃稿商榷原稿用皇清字樣還翰改定

兩式一以誥授發端上無清字一則託言碑版例遷改為清故某公加一發贊成後式芸葉柴桑之志始終不渝為清純臣職如烈日不在皇字之有無若並清字而去之不知者將轉以為惑也

廿一日陸升自滬歸帶歸慈石一紙碑目鄭重付託其言似出於至誠老病恐負吾良友索何

廿二日作七律四首

廿六日顧鼎梅自衛輝又來一郵片游石窟寺離鞏縣車站僅六里造象福山谷石窟二區大如屋中有石柱四圍刻佛象極精美惟北朝石刻前人已著於錄者編訪未獲豈已佚邪所見但一唐幢及宋碑金牒

七月

初四日前日為劉翰怡代撰邠州石室錄序翦其枝葉改竄至十之三自繕清稿一通

十二日作李審言駢文稿序一首先有譚仲修馮夢華兩序雖乎為繼六七日即初腹稿因病而輟今日始力疾續成之中元日得雲間耿伯齊一函以六十小象及其尊人衡輝公身行萬里圖請題貽文藝雜誌一冊雷璿君慧編輯按期出書此為第九期

十六日吾郡藏書古里瞿氏窮鄉輻跡當世幾無知者去年在滬聞雲間有藏書次於瞿顧不知其姓氏今閱文藝雜誌中有婁縣沈祥龍潭東雜識云吾友封唐盒文權積書數萬卷多名人手鈔及校勘本如何義門方望溪姚惜抱王惕甫及鄉先輩焦南浦沈學子姚春木毛珮校諸家手校者計有數

百種有筭進齊書目曹君直內翰館其家記所見前後漢書
宋刻殘缺有七本之多琅環福地近在江鄉二百里間而竟
不知自慚其陋矣

廿二日作七律二首

廿三日枕上作七絕五首

廿六日胡綏之學部自都門歸不見踰十年矣午後來談倉猝
盈顏上連兩鬢下若垂胡問其年五十七述都中政荒俗敝
康恥道長綱常名節埽地無遺各省執紳皆熟人請願書及
壽宴會請更變政體先後勸進之文報紙所傳無一非實錄
此猶屠火未燔從而撥之有不鼓騰者乎大劫將臨吾亡無

日矣

八月

初一日得佩鶴一函寄示觀芸巢四律山陽鄭笛同茲感愴又得翰怡書催吳興先哲遺書序師丹老忘已惘然若夢矣新刊四史前諷其作校勘記即欲以此役誣誣所需刻本校本並屬先開寄一日以便抄訪午後校邠州石室錄寫樣鄂渚饒幸舫之筆雋雅絕俗瘦硬通神得佳刻手可突過南雅通政序目一卷僅譌一字

初二日午後校邠州石室錄第一卷畢僅譌三四字彭城縣主一通原稿誤為郡主經其改正跋中誤字亦得連類勘出此寫官洵加人一等

初六日益慶復書到又請補杜良臣題名一通不知此題幕刻智周之上智周即安俊之字兩刻同在一紙非有關也憶似如此非查原刻原稿不能瞭然矣又得顧鼎梅衡輝一函以

河朔古跡志撰例商榷共分四類一曰古蹟志一曰金石目
一曰金石古佚攷一曰訪古隨筆皆冠以河朔字似未得要
領官書既匪我思存可無過問

初八日為翰怡開四史刻本目宋本難得不贅列一元明本一
國朝刻本一江左諸家藏本近在數百里內可以訪求者
江寧圖書館常熟瞿氏華亭封氏暨蕪風共四家又附以校
本如何義門盧杞經吳槎客之類又推類及於攷證之書古
人如婁機字類倪思異同評吳仁傑刊誤補遺今人如祇平
居士全謝山惠定宇杭大宗所著書日知養新輯補隅錄亦
皆在參攷之列又及於漢隸兩漢博聞暨唐宋類書所引異
同亦可為旁證共十紅牋

初九日得益庵一緘杜良臣題名果與智周同一刻師丹雖老

尚未茫然也

十二日作香泉寺經幢跋一首

十七日校邠州石室錄蓋庵未携原稿來不知校書須以兩本對勘故謂之鑿若僅以文理順流讀下口頭滑過即目中滑過非內家也

二十日報章登陸太傅薨於京師年七十五矣吾鄉遺老芸巢之後又弱一个五十年舊交能無揮涕

廿三日費仲深應肅政使之召進京不十日不辭而返楊廉夫詩云白衣宣至白衣還既污偽命視老鐵雖差一間見機不可謂不早

廿七日得顧鼎梅函寄至漢劉熊碑陰側殘拓一分此碑久佚攷隸釋而知之側有承議郎知縣事王評題記知為宋人刻

也據云香泉寺在汲縣西北三十里霖落山之麓汲縣境內
又訪得魏碑三通延津唐石一通趙承旨書長明燈記一通
欲以袁江諸拓易藏書紀事詩又求為所著夢碧簪石言作
序

廿九日聽輿歿已踰月尚未有索帛之期作輓帖一聯以待之
蘭蕙香燒適當桐葉飄蕭半月遽聞長吉病 沒享誼重
況與竹林過從九京共悼阿咸才 六月廿九日立秋七月
十四日化去相距正半月期也

三十日得佩鶴一函寄示逢辛同年兩楸告陸太傅病狀初八
日尚入直祝 璫太妃壽不數日而騎箕逝矣其一錄飾終
諭旨由太傅銜太保晉贈太傅賞銀三千兩治喪前云五千
誤也由廣儲司給發賞賜羅經被派員勒載潤帶領侍衛十

員前往奠醑應得卹典該衙門查例具奏一如承平故事恭讀一過不啻重見漢官也太傅先塋在湖州城西陸家莊歸旒經滬上約同往執紼

九月

初三日慈石二月末通信不得寫官以報命也今渭臣既來承乏晨遞一函以大略告之得益庵書謝畧羽晞髮集舊絮難得國粹學報館有石印本此亦可以報命矣

初五日黎明即起至寶蘇局前鼓棹出閘門十一鐘抵興福塘携杖登岸至塋次見草長於人荆天棘地四圍蘿落及軍樹均為叢蔚所蔽茅蕝四塞守墳人匿不出但遣其婦來先蘿當路之草披榛蕪而入之布席陳盞泣然下拜此墓既有蘿據守者又頑鈍無恥雖痛加譙責亦無效老病已兩年不親

祭婦令老矣亦將奄化何以見先人於地下思之若芒刺之
在背返舟午餐即移舟進茭白塘至楊伽仍泊范文穆祠下
以籃輿入山守墳值陳姓兩子皆殤其壻來沈姓之子亦來
墓地以先期汎埽豁然開朗軍樹鬱葱補種四松亦婆婆有
生意心稍慰回舟抵閤門天已暮黃昏到家

初六日仍於黎明起登舟出閤門過戒幢寒山兩寺由楓橋左
轉自西洋橋至白馬湖抵埠呼荀使兩乘度賀九嶺守墳徐
媼適自許墅歸不期而遇同至其家再至塋次濯菴早已潔
除石榻密布如帟帷四松慈龍如蓋視楊伽尤有佳氣為之
意適歸家又得顧鼎梅一函言游香泉寺開元經幢在寺門
外東岡上一塔七層幢即在第一層三面刻經一面佛象年
月一行在象側然則四面矣經每面三十一行行皆四十四

字書于崔慧琮尚清明並未泐前寄拓本為拓工所遺耳此
外寺中尚有兩唐塔四周刻宋題名十餘種佛龕有小石香
臺八面心經五代周廣順刻也寺旁有吳道子畫觀音象東
首摩崖刻華嚴經全部殘蝕處有宋人題名五段寺西南五
里有六度寺又訪得唐張英陳禪師塔開元時刻張疑為侯
字誤釋侯英陳北朝虜姓也

十二日作楹帖一聯晚幼庵中丞 苗疆問吳鄭遺風興學崇
賢一柱天南諸葛摩崖同紀績 桑海勵龔唐高節焚香卻
掃七絃谿畔正陽拂水下招魂

十三日集唐碑兩聯為綏之寓楹帖上百門波光八顧之清範
韜七州之敏學下石涼詩細辟荔而成帳簾連石而如樓
廿一日翰怡屬撰吳興先哲遺書序五日前已初稿因事而輟

因病而輟因客至而輟日偷寸晷枝接膠附不足以冠金書
也得鼎梅一函寄示汲縣阮羅左經塔攝影片一紙河朔古
蹟志四例序一首又言在淇縣訪得武定元年造象大碑又
在新鄉縣得齊碑一通許以拓本見贈

廿二日出昨日文痛刪其冗累焚膏繼晷錄清稿一通畢又潤
色之終不愜心也

廿六日平原太傅靈輓回鄉出城迎歸旒者如雲病莫能興幸
逝者之諒我也作輓對一聯 平生事陸宣公尚在童年溯
奉教官箴道義相期白首滄桑同一慟 祈死如范文子克
完晚節誦飾終恩詔哀榮無忝丹心汗簡照千秋

廿七日午後雇肩輿力疾至平原太傅第行禮門庭間如無一
客略坐即歸蓋庵偕曹夔一內翰同來談簿錄板本之學在

都門所見內閣大庫及學部圖書館藏書雲間韓氏封氏兩家所藏舊槧舊鈔校勘異同娓娓不倦

廿八日作姻緣夫人輓聯 晴川芳草盡棟珠簾江上扁舟隨使節 彤管有煒青甄無恙海濱春廡悼仙遊 昨聞陸文端誄詞伯潛前輩一聯都門傳誦來日大難及此全歸天所爲個人又弱既爲後死責美辭雙管齊下誠非俗筆所能彷彿

十月

初八日赴陸文端第公祭祭畢即欲趨出而文端兩弟伯慎荷展約至內廳求撰銘幽之文義無可卻遲允之

十二日讀後漢書至朱公叔傳著絕交論蔡邕以爲穆貞而孤又作正交而廣其志焉章懷注載穆論略曰或曰子絕存問

不見客亦不答何故曰古者進退趨業無私游之交曰人將
疾子曰甯受疾又載邕論略曰斷交者貞而孤孤有羔羊之
節與其不獲已而矯時焉走將從夫孤焉僕自國變以後版
門削迹不通慶賀前賢斯語請事未能自今以後當以貞孤
為號

十六日集甯贊碑貞孤二字作賤嫌其字小然檢架上裴池諸
本亦有數十帙別無孤字不得不以布見珍

廿二日得顧鼎梅函寄至拓本四種一為邑義五百人造象魏
武定元年在淇縣一為魯思敬造象齊天保九年在新鄉縣
魯堡邨一為魏正光五年造象上有邑義高口口張寄賓張
阿郡等題名在輝縣一為康富等造象記魏興和二年有陰
及左右側一為康富三十人等造義并記魏武定八年三月

有左右側據其著錄碑側有邑老康道宗等邑母釋迦勝三人題名今寄來拓本皆無之但有小佛龕七八紙旁無題字在汲縣西三十里奶奶廟其地亦名康縣又云袁江諸拓在杭寓尚有唐來廣法師碑及甄叔塔銘歲暮歸可持贈

廿三日彊村前輩來為吳印臣游說求向仲午轉段宋刊淮海居士長短句影寫付刊告以借則不可若遺寫生就其家傳錄或可允又言顧鶴逸為作彊村填詞圖求撰序此不可辭矣據云彊村在吳興山中白傅有惟上有彊精舍好最堪游處未曾游之句今其地石壁上摩崖刊最堪游三字

廿五日涓臣移硯至內廳同校勘以慈石目補五百經幢館目有異同折衷於執風堂目自龍門造象始

廿六日心葵伴來送至微詩啟一通為程周文鳳為吳節母夏

太君撰吳君翼廷之母也吳君名繼長前為女普濟堂董繼
石子元之後興利除弊百廢具舉吳人士樂道之願願為下
筆而急景彫年羸軀善病未知能踐言否也

廿七日午後君九來辭以疾留一字並為隱同年事略一首求
撰家傳

三十日正在早餐振聲倉皇入內言上海有警既而報紙來黨
人果於昨夜六時襲擊肇和兵輪即用其艦攻製造局未成
事已定遂作罷午後與涓臣校伊闕石刻目擊如夢寐一練
在手正可抽繹而出忽報客至一日伏案其難過於登天此
書告成無日矣

十一月

初三日蓋庵來函言曹君直就慈石校勘為部人謀碑目可援

為臂助此誠良友之摯愛但未知慈石允否君直允否也彊
邇前輩前為吳印臣轉段旁喜齋所藏淮海居士長短句玉
言催詢即作一函告仲午

初四日仲午函來言天寒尋短寫生傳錄非其時一瓶請以春
融踐約即作一函並原書送禮村前輩

初六日正與涓臣校碑目而仲午來以日本牋二十五番見貽
潔薄堅緻頗似棉質据稱彼國謂之雁皮箋或欲傳會為古
之行波牋恐未必然也君九繡至商刊先集又攜其先文恪
公遺象見示自為編脩至太傅共五圖中歲清癯晚而皤然
廣額豐下神采矍鑠氣象嚴重後附自贊及辭官辭闕謝賜
物恩諸疏明有王百穀一跋 本朝汪士鋐退谷何焯岬瞻
錢石世綱庵沈起元敬亭嘉興浦霖靈石何道生共六跋後

喬暢甫先生及近時李忠伯侍御馮蒙叟中丞皆有題詞李仲約侍郎篆題引首萬隱在樞曹時霍邱裴伯謙大令所贈也

初九日報牘登夫已氏中令以君主立憲政體布告天下改本大總統之稱曰予漸進之詞也其文言萬眾一心感棄共和民意不可遏抑有云天視民視天聽民聽天不可見見於民意蒼蒼者天不能言而為莽操所託蚩蚩者民雖能言而位卑勢渙四海之大卒無一人能言而為今之莽操所託九錫三讓勸進受禪昔何其煩難而瞻顧今何其便巧而肆橫不知滔天之禍已成而欲求淪胥之無及吁嗟晚矣夜斟濁醪唱木皮子不禁聲與淚俱下

十二日管成夫來南時汪袁甫參議榮實附寄所著法言疏證

一部發而讀之疏通證明訓故嚴雅王氏廣雅錢氏方言之
亞也著書之意為莽大夫平反亦自傷所遇前有內閣中書
錢維驥及曹君直兩序

廿二日鼎梅又來一信片新從濰縣大伾山回訪得宋元人題
名八段唐開元天寶石浮圖皆前人所未著錄者此君訪古
樹懷精進無幽不到勇猛可美亦由濟勝之具優也閱報牘
滇池反對帝制宣告獨立時哉不可失吾老矣臣靡有高鑒
者祝之

十二月

初一日警廳送洪憲紀元告示劉姬請付一炬是宜撞鐘伐鼓
以告國人若閉戶而焚之也真所謂婦人之勇也不聞不睹
可耳

初六日君九來以萬隱遺稿見示將補入駢文集視之為祭馮林一師文當時曾共商榷四十年矣憲憲尚在目中也

十七日 先祖中憲公忌辰家祭一杯一簋一匕箸每事問然猶忘二鵝子此一味歲時特設為羊裘之嗜偶一疏忽竟無人匡其過者中心能無隱痛耶正在午餐少雲女公子偕龔孺人同來省兒婦引入問起居此二女子幽嫺淑靜治家事長不學禮度使吾有一人以為媳一人以為女若教之痛猶可稍慰今則已矣

二十日益庵自海上解館旋午後來談贈授山段氏二妙年譜兩部部一冊翰怡所刊也又述翰怡延輯四史校勘記以三年為期仲午以旁喜藏書記告成送至紅印一部

大除夕振聲循例送張籍報終歲盈絀成本洗手殆登適梨若

來共籌補揀之策滇蜀方警共離御世但有江河日下安望
收之桑榆卯夜年例封井接寵

緣督廬日記抄卷十五

士夫王立勛謹繕印

邑後學潘承勛謹校

緣督廬日記抄第十五冊校勘表

葉次	行次	格次	誤	正	葉次	行次	格次	誤	正
四	十一	二	名	石	七十六	三	二	言	來
五	十二	八	符 <small>(阮十四字)</small>	<small>符字可銷去此據四庫例補建一日</small>					
十二	六	九	王	玉					
二十三	十六	十二	微	微					
二十六	二十三	三	井	早					
三十一	二十一	十	問 <small>(阮宜字)</small>	宜					
四十二	九	二十二	宗	末					
四十九	五	十二	大	太					
七十	十	二十三	幕	幕					
七十五	八	一	生	說即平定					